



pngelectionprinting.com

POSTERS BANNERS CARDS A-FRAMES FLYERS CAR STICKERS CORFLUTE SIGNS

THEODIST LTD
THE STATIONERY SUPERMARKET

INSAIT



April issue inside
P9,10,19,20

Taureka em
i nupela
siaman
blo Kina bod

- Pes 6

Laipetail



Taklam Lodge save
pulim planti gest...

- Pes 14



Vodafone
**Smart
turbo 7**

Lukim page
7 lo moa.

Lukautim gut pikinini!

Bisop: "Papamama i mas gat gutpela rilesensip wantaim pikinini."

Paul Zuvani i raitim

KAMAPIM gut pikinini long sosaiti i bikpela samting long laip, presiden bilong Katolik Bisop Konferens (CBC) Bisop Rochus Tatamai i tok.

Em i tok em i wok bilong olgeta komyuniti wantaim stat long papamama, famili, komyuniti, gavman na sios long lukim pikinini i gat gutpela lukaut long bodi, tingting na bilip.

Bisop Rochus husat i bisop bilong Bereina Daio-sis na i nupela presiden bilong CBC i tok. Em i kisim ples bilong Bishop Arnold Orowae bilong Wabag Daio-sis long las wik. Em i tok taim ol bisop i pinisim enuel jenenal kibung bilong ol long aste.

Dispela kibung i kamap long Don Bosko Teknolajikal Institut long Pot Mosbi.

Em i tok taim pikinini i no kisim gutpela lukaut na laik dispela i ken kamapim planti hevi long sindaun bilong em na komyuniti.

Em i tok gavman na sios wantaim i laikim divelopmen tasol dispela bai i no inap kamap taim manmeri i no gat gutpela tingting.

"Planti pikinini i no gat gutpela sindaun bikos no gat gutpela lukaut i go long ol," Bisop Rochus i tok.

"Papamama i namba wan wasman na tisa. Ol i mas lukim pikinini i gat kaikai, go long skul na i gat bilip."

"Papamama i mas gat gutpela rilesensip wantaim pikinini."

Bisop Rochus i givim piksa long holi famili long Baibel long Maria, Josep na Jisas olsem ol i piksa long olgeta famili i bihainim long kamapim gutpela man na meri na gutpela sindaun long komyuniti.

Em i tok long helpim na tokaut long rot bilong lukautim gut ol pikinini, ol bisop bai salim wanpela pastoral (misin) pas i go long olgeta daio-sis long liklik taim.

I go moa long pes 2...

Tuna pis plai..



Tuna redi long flai: Menesing Dairekta bilong Nesenal Fiseris Atoriti, John Kaso, Het bilong UN misin Roy Trivedy, representiv bilong Japan na Het man bilong ol protocol William Dihm, i redi long lusim ol balun tuna pis go antap long skai long makim Wol Tuna de long PNG. Em i namba wan taim PNG i makim Wol Tuna de long Tunde namba 2 de bilong mun Mei 2017. *Poto Nicky Bernard.*

PRINT 2017 NATIONAL ELECTION POSTERS

Affordable Rates For Quality Glossy Print!

A4 @ K1.70 & A3 @ K2.40 including GST

(Can have it translated into Pidgin) Excluding Freight Charges



Wantok

Niuspepa Bilong Yumi Ol PNG Stret!

Contact the Sales Team now on

Phone: 3252500, Fax: 3252579 Mobile:

79187688, 75506452, 76622895 or

email: sfarapo@wantokniuspepa.com,

tekari@wantokniuspepa.com or

advertising@wantokniuspepa.com



Meri putim han long salensim Dion

Paul Zuvani i raitim

LONG taim ol meri i toktok strong long kisim luksave long save na wok bilong ol long sosaiti, inap long 165 meri long Papua Niugini i resis long go insait long palamen.

Wanpela bilong ol dispela meri em Leneat Avoa husat i wanpela meri tasol i putim han long resis long Is Nu Briten provinsal sia.

Dispela sia em Deputim Praim Minista na Minista bilong Provinsal Afeas Sir Leo Dion i sindaun long em.

Is Nu Briten ileksen menesa Joap Voivoi i tokim Wantok Niuspepa olsem Avoa i wanpela tisa tasol nau i laik makim maus bilong ol manmeri na go insait long palamen.

Avoa i wanpela long 18 kendidet husat i nominet long resis egensim Dion.



Sir Leo Dion, Deputi Praim Minista.

Ol arapela kendidet em bipo primia na olupela memba bilong Gazelle Sinai Brown husat i resis aninit long Triump Herites Empawamen (THE) pati.

Narapela em Nakikus Konga husat tu i bipo Is Nu Briten memba bilong palamen.

Dion i stap 15-yia pinis

long palamen stat long 1997.

Narapela meri bai resis long Kokopo Open egensim nau memba Ereman To-Baining husat i gavana bilong provins.

Olgeta arapela memba bilong Is Nu Briten tu i nominet pinis.

Dokta Allan Marat long Rabaul Open we em bai resis egensim 5-pela arapela kendidet, ToBaining long Kokopo

egensim 24 arapela kendidet, Malakai Tabar long Gazelle egensim 16 kendidet na Elias Kapavore Pomio egensim 13 arapela kendidet.

Voivoi i tok nau yet ileksen i wok long kamap gut we ol kendidet i go aut isi na toktotak long manmeri long polisi bilong ol.

HIV/AIDS aweanes long ileksen taim

James Kila i raitim

WANPELA liklik buk o brosa we i tokaut na givim toksave long abrusim sik HIV/AIDS i kamap long Madang long toksave long ol manmeri long stap seif na abrusim sik HIV/AIDS long taim bilong kempein na ileksen.

Kodineta bilong Jenda/HIV long Madang, Conrad Wadunah i tok prodaksen bilong dispela buk

em long givim gutpela tingting long ol manmeri long ol i no ken paul nabaut.

Wadunah i tok mani bilong kamapim dispela buk i kam long Madang Provinsal edministresin na Madang Provinsal Ileksen Stiring Komiti.

Em i tok het tok bilong buk em "Vot 1, 2, 3, Em ileksen taim....menesim na was gut long ileksen bilong yu".

Wadunah i tok ileksen i

taim bilong lukautim demokrasi o fridom bilong ol manmeri long makim ol lida, tasol ol i mas tingim tu olsem ol sik olsem TB, HIV/AIDS na ol arapela hevi bilong kros pait i save kamap long kempein na ileksen taim tu.

Em i tokaut tu olsem ol ripot opis bilong em i gat i soim namba bilong ol manmeri husat i gat sik bilong seksual trensmited dises (STI) i go antap.



Sungi bilip long winim bek sia

NUKU Memba long Wes Sepik provins, Joe Sungi i bilip long winim bek sia bilong em.

Em i tok ol bikpela wok long las 5-pela yia i kamap bilong ol manmeri i bilip long em na makim long 2012 ileksen.

"Sevis nau yupela i lukim i mak bilong bilip yupela i gat long mi," Sungi i tok.

Sungi husat i wanpela Egrikalsa greduet na i bin wok

planti yia long Wes Sepik provins bipo long em i kamap edministreta bilong provins na bihain winim ileksen long makim ol manmeri bilong Nuku i tok em i no nupela long wok developmen long distrik bilong em.

Em i tok maski i bin gat hevi long mani long 2015 na 2016 we olgeta K10 milien distrik sevis impruvmen program

(DSIP) em i no kisim, em i traim hat long kamapim ol wok we em i inap long kamapim.

Em i tok rot long Mai i go long Nuku stesin na go long Seim na go long Mukili i mak bilong laik bilong em long lukim distrik i kamap gut.

Moa yet em i lukim gutpela rot i go long Yangkok na wok kamap bilong Mai Tadjji rot we i bung wantaim Aitape.

Moa yet ol wok stretim bilong ol skul na haus sik tu i kamap olsem long Nuku Helt Senta, Mukili, Seim na Yangkok.

Nainpela kendidet bai salensim em na namel long ol em bipo memba Andrew Kumbakor bilong Seim.

Planti lain manmeri i stap long lukim Sungi taim em i go long nominet long Nuku.



NUKU Memba long Wes Sepik provins, Joe Sungi

Lukautim gut pikinini: Bishop

I kam long pes 1...

Em i tok bagarap long pikinini i ken kamap long planti rot. Sampela bagarap em:

- Seksuel vailens;
- Ikonmik vailens (no kisim gutpela sapot long mani na no gat mani);
- Sosel vailens (no laik pikinini go long skul na no

- laik pikinini kisim marasin);
- Pikinini no gat fridom long tokaut long tingting bilong em; na
- Pikinini no gat fridom long tokaut long tok bilong God na tokaut long tok bilong God.

Em i tok bikpela luksave ol bisop i kisim long bagarap i save kamap long pikinini em long taim Dokta Uma Ambi bilong Laloki

Haus sik i kamap na givim toktok long hevi i bagarapim bodi na tingting bilong ol pikinini.

Wantaim Dokta Ambi em ol pikinini long St Johns Paimeri Skul long Tokara husat i tokaut long hevi tuisen fi fri (TFF) i kamapim. Dispela em long ol i no lain gut bikos klasrum i pulap, tisa i no tisa gut na ol i no lain gut long mak ol i mas lain long em.


Asbisop Mark Coleridge, Asbisop bilong Brisben, Australia i kamap na tokaut long ekspirienis Katolik sios long Australia i bungim taim Australia gavman i kamapim Roial Komisn long Seksual Vailens egensim sios. Dispela long hevi ol pikinini i bungim taim ol i stap long ol skul we Katolik sios i ranim.

Bisop Rochus i tok dispela ol

sering i givim gutpela skul long ol bisop olsem ol i mas mekim moa aweanes long daunim kain pasin i kamap.

Em i tok ol bisop i amamas long Lukautim Pikinini Ekt bilong gavman na bai yusim Famili Laip Apostolet program aninit long "Children Ministry Commission" long promotim pasin bilong lukautim gut ol pikinini.





Wanpela gavman opisa bilong Mineral Risoses Atoriti, Nicholas Waipuk I sanap long Mambuan long Bogia na skelim smok long Manam ailan i long solwara.
Poto: James G. Kila

Manam manmeri ranawe long maunten paia

James Kila i raitim

MOA long 700 manmeri bilong Manam Ailan i go long bikples Bogia long Postdam Kea Senta long taim maunten paia i pairap gen na kamapim bikpela pret long ailan.

Deputi Dairekta bilong Madang Provinsal Disasta Opis, Rudolf Mongalee i tokaut long dispela bihain long ripot em i kisim i kam long Rabaul Volkeno Obsevetori (RVOS) olsem pret mak bilong maunten paia i go antap nau long stes 3.

Provinsal Disasta Komiti i bin holim wanpela miting long Mande long stretim rot long muvim ol lain pipel bilong Dugulava namba tu viles bikos ples bilong ol i stap klostu long ples we paia bilong mauten i stap long en na tu baret rot paia save bihainim i go daun long solwara



Tabele Praimeri skul long Postdam kea senta.

Em i tok dispela ol lain gavman i stat muvim ol long dispela wik i bilong Dugulava 2 viles long saut-west eria long ailan.

Mongalee wantaim wanpela opisa bilong Nesenel Disasta Senta i bin mekim namba wan wok painimaut long Epril 22-23 na i lukim sampela ol bagarap we i bin kamap taim das maunten paia i bin tro-moi go aut.

Mongalee i tok ol dispela manmeri bilong Dugulava 2 viles em i

gat gutpela as long go bek long bikples long Bogia bikos ol i bin go long Manam ailan gen bihain long kros pait i kamap wantaim ol bigples lain long Tobenam kea senta.

Ol manmeri long Dugulava 2 i bin i go stap long Daigul kea senta bihain long maunten paia long 2004.

Mongalee i tok ripot long graun long Manam ailan i soim paia i lait na graun i guria long het na as bi-

long rot lava i save ran long en klostu long ples we ol lain Dugulava 2 i stap long en.

Wod kaunsila bilong Manam, Paul Mambu-rau i tok em i toktok wantaim ol manmeri long Potsdam long redim ples bilong ol lain bilong Dugulava long go stap long en.

Potsdam kea senta long Yawar LLG long Bogia distrik i gat ol arapela Manam viles pipel olsem Tabele na Yassa na ol i gat skul bilong ol pikinini tu i stap.



NO GAT KASTOMA: Long yu baim samting long sapotim yu yet, em i bikpela samting long yu gat mani. Long ol wok manmeri dispela em isi, tasol long ol manmeri husat i no wok, em i hat long ol i gat mani. Tasol planti lain moa i save salim buai na smuk long kisim mani. Long Brahman, (we Ramu wara i stap), Usino Bundi, Madang provins, buai na daka i planti tasol kastoma i sot.

Poto: Paul Zuvani

Mak bilong Pres Fridom long PNG i kamap gut

MAK bilong pres fridom long Papua Niugini i kamap gut long namba 51 we em i lusim 55 mak bilong yia 2016 na i kam antap tasol i gat ol salens i stap yet, Presiden bilong Midia Kaunsil PNG, Alexander Rheeney i tok.

Long makim Wol Pres Fridom de long Trinde 3, Mista Rheeney i tok amamas long ol midia ogenaiesen na ol wokman na wokmeri long Pot Mosbi na long olgeta hap bilong kantri long gutpela wok ol i save mekim na tu long ol wok ol bai mekim nau long taim bilong nesenel jeneral ileksen.

Em i tok, Midia Kaunsil Papua Niugini (MCPNG) i tok amamas long senis i kamap long mak bilong midia



Mista Rheeney Presiden bilong PNG Midia Kaunsol.

fridom bilong PNG long wol i lusim 55 mak na i go antap long 51 olsem 2017 Wol Pres Fridom Indeks i soim

long olgeta kantri long wol.

MCPNG i bin kisim sampela tok save long namba wan 4-pela mun bilong dispela yia long ol pasin we i kamap taim ol opisa bilong gavman i wok long ring long ol nius rum long stopim ol editorial wok na ol nius ripota long no ken ranim sampela ol stori bilong ol. Dispela em pasin we i save haitim tok tru long go aut long ol rida na ol lain i save harim long redio na lukim long televisen.

Mista Rheeney i tok: "Long yia i go pinis midia indastri wokman na meri i bin bungim sampela hevi na namba wan 4-pela mun bilong dispela yia i soim wankain pasin i kamap long yia 2016 i stap yet. Em i tok ol nius kam-

pani i wok long tok save long Midia Kaunsil long tupela taim ol nius rum i kisim tok lukaut long ausait atoriti long stopim ol nius long kamap.

"Olgeta nius ogenaiesen i gat wok lng bringim stretpela na trupela stori we i no gat man bai pasim ol long mekim.

Ol dispela kain lo bilong jenelisem em i namba wan na olsem nau kantri i laik go insait long nesenel jeneral ileksen long neks mun long kamapim ol lain bai bosim kantri, midia i mas fri long mekim ol ripot bilong ol."

Papua Niugini i mas gat wanpela fri na indipenden pres we bai bringim tok save na skul long ol pablik long kain lidasip we i mekim wok

long ples klia na i stretpela lidasip.

Mista Rheeney i tok moa olsem ol nius ogenaiesen tu i gat asua long was gut long ol wokman na wokmeri bilong ol i mas soim gutpela pasin long ol rida, viua na ol lain i harim long redio long taim bilong 2017 jeneral ileksen. Dispela i bihainim Code ov Ethics bilong MCPNG na ol nius ripot bilong ol i mas trupela, i no wansait na i toktok stret long ol wok na i no sutim tok long wanpela lain.

Mista Alexander Rheeney, olsem Presiden bilong MCPNG bai go long Dili, long Timor Leste long wik bihain we bai em i makim Papua Niugini Midia long toktok long Pres Fridom long PNG i stap olsem wanem.



We are the Bank for Savings

Setting a Savings goal is easy, but achieving it isn't. Choose the right Savings Account that can help you achieve your goal.

① TERM DEPOSIT
② PLUS SAVER
③ KIDS SAVINGS ACCOUNT

WE ARE BSP

www.bsp.com.pg



Polye askim manmeri long kempen

Yu save long mi, yusim dispela save long makim man ...

OPOSISEN lida Don Polye i tok em i no tingting tumas long kempen long winim bek sia bilong em.

Em i mekim dispela tok bipo long planti handed manmeri i go long bungim em long Kalimaga ples long Kandep distrik, Enga provins.

Em i askim ol manmeri long ol i save long em pinis na ol i mas yusim dispela save ol i gat long lidasip na wok em i kamapim.

Em i tok em i lusim dispela wok i stap long han bilong ol long mekim long wanem em i gat bikipela tingting long kantri long mekim kempen bilong em.

Triump Herites Empawamen

pati i endosim 90 kendidet long wan wan sia long kantri.

"Mi bai go aut long kempen long 90 kendidet pati i endosim long em," Polye i tok.

"Yu bai pait egensim praim minista."

Em i askim long kendidet i resis egens long em long ol i mas lusim ol hevi ol i gat wantaim em na wok bung wantaim long dispela ileksen.

Em i tok em i no "first past the post" vot we ol i mas wari bikos dispela ileksen i givim sans long ol manmeri i ken makim tripela kendidet ol i laikim long em.

Husat i kisim bikipela vot bihain



OPOSISEN lida Don Polye

long olgeta kaun bai win.

Em i nau yet resis bilong em i stap wantaim praim minista na i no long ol kendidet i resis wantaim em.

Em i tok gavman bilong Peter O'Neill i kamapim bikipela hevi long ikonomi na olsem ol i mas rausim gavman bilong em na strongim gen ikonomi.

Em i tok maski gavman i tok em i kamapim ol senis long distrik tasol i gat bikipela hevi long ol skul, haus sik, rot, pawa na ol arapela sevis i stap yet.

"No gat marasin long ol

haus sik, no gat klasrum bilong ol sumatin, tiusen fi fri man ii kam liklik o i no save kamap na pe bilong ol wok manmeri i no save kamap long taim," Polye i tok.

"Lo bilong mipela em praim minista i brukim. Planti manmeri i kisim bagarap nating long ol rong disisen bilong em.

Em i tok kamap bilong dispela hevi i min i mas gat senis long gavman.

Em i tok em i bilip long winim bek sia bilong em. Em i bilip tu long pati bilong em i winim arapela 15 sia long ol Hailans rijon.

Inap long 30 kendidet i resis egensim Polye long Kandep Open.

PNC tok long kisim bek pawa

PIPEL Nesenel Kongres (PNC), pati bilong Praim Minista Peter O'Neill i tok em bai kisim bek pawa bihain long Jun/Julai ileksen.

Pati mekim dispela tok taim ol memba husat i memba bilong Palamen

wantaim ol nomineted kendidet na ol odinari memba i bung long Crowne Plaza Hotel long dispela wik.

Pati i endosim 93 kendidet long resis long ol sia long kantri.

Long taim bilong tokaut

long namba bilong ol kendidet O'Neill i tok em i bilip pati bai winim inap namba long ileksen na bai kamapim gen gavman.

Em i tok Gavman bilong em i bringim stabiliti long politiks na

kamapim planti wok long kantri na i no gat as manmeri i no ken votim ol long kamapim gavman gen.

Em i tok gavman bilong em i kamapim planti senis long wok bilong edukesen wantaim tuisen fi fri (TFF) polisi, fri helt kea, kamapim na wok stretim bilong ol haus sik, kamapim na stretim ol rot na bris.

Em i tok maski sampela manmeri i sutim tok long ikonomi i no gutpela tasol em i tok ikonomi i stap strong.

Em i tok Gavman bilong em i lukluk long win gen na skruim yet ol wok em i mekim.

Em i tok sapos gavman bilong em i kamap gen, em bai mekim lo olsem olgeta pikinini i mas go long skul.

Pangu kendidet mas luksave long ol eksektiv

Paulus Tali i raitim

PANGU pati Morobe brens nau singaut i go long ol nupela kenedeit bilong em na ol sapota long luksave gut long ol eksektiv bilong em hia long Morobe Provins.

Nau yet planti ol pipel i no klia gut husat em presiden na arapela eksektiv hia long Morobe.

Long nau yet Pangu pati, Vais Presiden em Yamai Asepi.

Planti pipel long Lae wok long kamapim

tok nabaut we i no tru na yusim nating nem bilong pati na laik sanap nating long nem bilong Pangu we em i no stret.

Ol Eksektiv we i gat nem em: Sam Basil, pati lida, William Samb Goilala MP, Deputi Lida, Patrick Pundau, nesenel presiden, Morris Tovebai jeneral seketeri, em long tok klia, long ol manmeri long Morobe provins na arapela hap tu.

Ol Pangu pati Morobe Brans lida em Wingeo Williong,

Morobe Tutumang Kuskus, Yamai Asepi, Deputi Presiden, Sinur Ateng, Seketeri. Ol i bin makim ol dispela lida long taim bilong Konvensen. Singaut i go long ol Sapota long ol i no ken tok tok nating wantaim ol Pangu eksektiv, dispela em i no stret na no ken tru bagarapim nem bilong pati, deputy presiden, Yamai Asepi i tokim Wantok nius. Husat man i go lukim ol eksektiv, i mas kisim tok orait pastaim," Deputi presiden tok.

URGENT!!

URGENTLY REQUIRE STREET SALES AGENTS & DISTRIBUTORS TO DO BULK SUBSCRIPTION OF WANTOK NIUSPEPA IN THE FOLLOWING LOCATIONS

Rabaul, Kiunga, Tari, Jiwaka, Manus, Wabag, Kavieng, Simbu, Tabubil, Lae, Mendi, Bulolo, Popondetta, Wewak, Vanimo and Kerema

Qualification:

No specific qualification is required, can be an individual, family, a retired worker or someone who is already engaged in doing News Paper contract work.

For more detail information please call

The Circulation Supervisor, Mr. Mark Timbi on Phone: 3252500,

mobile phone: 72703860/75690395 or

email: mtimbi@wantokniuspepa.com

circulation@wantokniuspepa.com

Askim long rispektim narapela long gutpela ileksen

MOROBÉ polis komanda Augustin Wampe i askim ol manmeri long Morobe long ol i mas rispektim wanpela na narapela.

Em i tok rispektim narapela i ken kamapim gutpela ileksen.

"Morobe i bikipela provins na mipela i mas wok wantaim long rispektim wanpela narapela," Wampe i tok.

"Rispektim raits bilong ol vota na ol kendidet long dispela taim olsem wanpela i no ken kisim bagarap."

Em it ok olgeta lain manmeri i gat fridom long makim kendidet em i laikim long em na i no gat wanpela man o meri mas pusim wanpela long votim narapela man.

Em i askim ol poling opisa, sekyuriti opisa, kendidet na vota long wok gut long kamapim gutpela ileksen.

"Yumi mas mekim Morobe i kamap model provins long kamapim gutpela na fe ileksen.

Mi amamas long mak provins i gat long em na mi

askim long mipela i mas skruim dispela gutpela mak inap long ileksen i pinis."

Em itok fridom long toktok i stap na no gat tok lukaut o pret i mass tap long ol kendidet tai mol i mekim kempen.

"Lusim ol kendidet i mekim kempen bilong ol wantaim fridom olsem ol i ken tokaut long polisi bilong ol.

"Mipela i ken save long ol lida taim mipela i save long polisi bilong ol na makim ol long go long palamen.


Cerebral Malaria: A life threatening form of malaria

Author : Dr Fariza Rahman, PIH

Malaria is one of the most important public health concerns worldwide and also in Papua New Guinea. According to the World Health Organization (WHO) there were 212 million cases of malaria in 2015 and among them 429 000 died due to this disease. Children under 5 are more vulnerable to infection, illness and death. More than two thirds of all malarial deaths occur in this age group. In Papua New Guinea there were estimated 900,000 cases of malaria and 1200 estimated deaths in the same year.



Malaria is a life-threatening disease caused by a parasite called Plasmodium. There are 5 species of the parasite that cause malaria in humans, and 2 of these species – P. falciparum and P. vivax are the most dangerous and cause greatest threat to human life. Between these two species P. falciparum is responsible for most com-



plicated forms like cerebral malaria.

The parasite is transmitted to people through the bites of infected mosquitoes specifically female Anopheles mosquitoes. When this mosquito bites, the parasite is released into our bloodstream. Through blood, they travel to the liver, where they mature. After several days, the mature parasites enter the bloodstream again and infect the red blood cells. T

he parasites multiply inside the red blood cells and destroy the cell. When they are released in blood, the symptoms of malaria begin that includes fever, flu-like illness, shaking chills, headache, muscle aches, and tiredness.

Nausea, vomiting, and diarrhea may also occur. Malaria may cause anemia and jaundice (yellow coloring of the skin and eyes) because of the loss of red blood cells.

Symptoms usually appear between 10 and 15 days after the mosquito bite. If not treated, malaria can quickly become life threatening by disrupting the blood supply to vital organs like brain, kidney, liver, and lungs.

When the brain is affected, the condition is called cerebral malaria. Approximately 1% of people with malaria develop this se-

vere form. This causes the swelling of brain that leads to damage. The main symptoms of the disease are fever with impaired consciousness, seizures and even coma. Patient might also present with headache, muscle pain, and low blood pressure, vomiting, diarrhea with altered state of consciousness. Cerebral malaria carries a mortality of around 20% in adults and 15% in children.

Among children with cerebral malaria who received treatment and survived, it has been found that about a quarter (25%) have long-term neurological like problems with thought processes, motor function or have behavior impairments and even epilepsy.

The treatment of cerebral malaria is to

leads to death.

If one has the symptoms then one must come to hospital for treatment. The disease can easily be detected by blood test. Now a days malaria can be detected quickly by using antigen-based rapid diagnostic tests (RDTs) that helps to detect the malaria cases early. Early diagnosis and prompt treatment of malaria prevents death. It also contributes to reducing malaria transmission.

The major challenge of malaria control is the development of resistance of malarial parasite to the drugs.

Once chloroquine was used for treatment of malaria but now the parasite become resistant to it.

Currently artemisinin group of drug are used, as frontline treatment nevertheless in many parts of the world, there is serious concern of developing widespread resistance to this vital treatment.

Recent success in the malaria fight has shown that prevention works. Mosquito control is the main way to prevent and reduce malaria transmission.

Using insecticide-treated mosquito nets (ITN) or long-lasting insecticidal nets (LLINs), indoor residual spraying (IRS) and taking personal protection like using repellants, wearing full sleeve dress, using bed nets at night could help to prevent the disease.

Despite of intense research there is no commercially available malaria vaccine at the present time.

The complexity of malarial parasite makes the development of malarial vaccine difficult. However a vaccine against deadly P. falciparum, known as RTS, S/AS01 is on evaluation stage.

The world celebrates 25th April as Malaria day. On World Malaria Day, WHO calls for emphasis to close the gap in coverage of the critical, life- saving preventive tools.



give anti-malarial drug in injection form at least for 24 hour or until the patient can take oral medicine.

Parenteral Quinine or artemisinin group of drugs are used for treatment. Without treatment, cerebral malaria generally



Do you have any of these symptoms?

- Severe pain in the groin and/or side
- Blood in urine
- White blood cells or pus in the urine
- Reduced amount of urine excreted
- Burning sensation during urination
- Persistent urge to urinate

It could be **Kidney Stones!**
Walk in for a **Free* Screening !!**

Taureka i nupela Siaman bilong Kina Securities

KINA Securities i tokaut long dispela wik olsem Siaman Sir Rabbie Namaliu bai ritaia olsem Siaman bilong Bod bihain long Enuel Jeneral Miting long dispela mun.

Isikeki Taureka bai kisim pes bilong em. Mista Taureka i bin joinim bod bilong Kina Securities olsem non-eksekutiv dairekta long 2016.

Mista Taureka i bin wanpela eksekutiv dairekta bilong InterOil Corporation na bipo em i bin holim sampela posisen long Chevron Corporation. Em i bin holim o senia wok tu long Post and Telecommunication Corporation, Bank

South Pacific Limited na deputi dairekta bilong Resources Investment Finance Limited.

Mista Wayne Golding husat i bin holim wok bilong Siaman bilong Bod bipo bai i step daun long Bod bihain long AGM. Sir Rabbie i tok Mista Golding i bin mekim bikipela kontribusen long Bod long taim em i stap long las 19 yia.

Sir Rabbie i bin stap long Bod bilong Kina Securities inap 9-pela yia we las 7-pela yia em i holim wok bilong siaman.

Sir Rabbie i tok em i amamas long lukim Kina Securities wanpela kampani bilong PNG stret i kamap wanpela bikipela

kampani nau na i gat listing long ASX na POM-SoX bihain long em i tekova long Maybank PNG.

Em i tok em i gat bikipela rispek long Mista Taureka husat i kisim ples bilong em nau. Em i tok Mista Taureka i gat eksperiens na save long mekim gut wok bilong Siaman bilong Bod.

Mista Taurekai bekim na i tok Sir Rabbie i bin mekim nambawan wok olsem Siaman bilong Bod na Manesmen tim. Em i tok Kina i bin namba wan Bod Sir Rabbie i bin joinim bihain long em i lusim wok politik.

Nupela komyuniti helt pos i op long Yasubi

Loutova Siapea i raitim

MOA long 15,000 lokal pipel long Yasubi hauslain na ol arapela wan-pisin long Okapa distrik nau i gat helt sevis long haus dua bilong ol.

Bikipela tok amamas i go long PNG gavman na ol developmen patna Esien Developmen Benk, Opec Fund for International Development (OFID) na Isten Hailans Provinsal Helt Atoriti (EHPHA).

Na ples i bin paia stret we ol lokal singsing grup na ol sios grup tu i bin kapsait i go na mekim ples i luk kalapul long taim bilong opim helt klinik long Tunde wik i go pinis.

Dispela em i wanpela bilong ol foapela komyuniti helt pos

aninit long Praimeri Rurel Helt Sevis program em gavman i kamapim long helpim ol pipel long Isten Hailans.

Ol arapel tripela wankain projek bai kirap long Amaira hauslain insait yet long Okapa distrik na tupela arapela bikipela hauslain em Jaffa na Musavi long Kainantu distrik.

"Bod na menesmen bilong Isten Hailans Provinsal Helt Atoriti husat bai i go pas long lukautim dispela helt pos long Yasubi i amamas olsem dispela helt pos bai bringim gutpela helt sevis igo long ol lokal pipel bilong Yasubi na Okapa distrik tu," Mista Smith i tok.

Em i tok amamas tu long gavman bilong Peter O'Neil na Leo Dion long makim Yasubi na narapela tripela hauslain long kirapim

dispela Praimeri Rurel Helt Sevis projek.

"Komyuniti Helt Pos em i kirap na redi nau long givim sevis long yupela, olsem na yupela i mas kamap papa long lukautim gut dispela helt fasiliti. Taim yupela i mekim olsem, dispela helt fasiliti bai helpim yupela tu", Mista Smith i tok.

Ekting Sif Eksekutiv Opisa bilong EHPHA Dokta Max Manape husat i bin kamap long opening serewmoni tu i tok, kain fasiliti em i no kam long isi rot.

"Dispela K5 milien kina fasiliti emi kam pinis long haus dua bilong yupela, tasol em i kam long hatpela rot, olsem na yupela i mas lukautim gut dispela fasiliti", Dokta Manape i tok.

Em i tok dispela helt pos em i kirap long

helpim na givim sevis long ol mama na ol pikinini na ol man tu, olsem na ol papa grau i mas luksave long dispela na i no ken kamapim ol kainkain protes na bagarapim ol samting long stopim sevis long Yasubi hauslain na Okapa distrik.

Dokta Manape i tok, helt pos bai givim medikal na klinika sevis na em bai wok aninit long lukaut bilong EHPHA. Tasol bikipela samting em ol lokal pipel long Yasubi hauslain i mas, kamap papa na lukautim gut dispela fasiliti.

Em i tok amamas long ol patna PNG Gavman, ADB, AusAid D-FAT na OFID long sapot na helpim bilong ol long bringim helt sevis i go long haus dua bilong ol lokal pipel long Isten Hailans.


PNG POWER Ltd
PABLIK NOTIS



BAI I GAT MEKIM SAVE BIHAINIM ILEKTRISITI INDASTRI EKT.

"EM I NO SEIF LONG HANGAMAPIM OL BENA NA POSTA BILONG YU ANTAP LONG PAWA POS"

PNG PAWA I LAIK TOK SAVE LONG OL KENDIDET INSAIT LONG NESENEL ILEKSEN WANTAIM OL SAPOT BILONG OL OLSEM EM I NO SEIF LONG HANGAMAPIM OL BENA NA POSTA BILONG YU ANTAP LONG PAWA POS BIKOS YU BAI PUTIM YU YET LONG BIRUA BILONG PAWA NA IKEN KISIM YU NA BAI YU DAI.

GOAP LONG PAWA POS EM I WOK BILONG OL LAIN I GAT LAISENS BILONG PNG PAWA WOKMAN TASOL. MOA LONG DISPELA, PNG PAWA BAI I NO INAP LONG KISIM HEVI BILONG OL BIRUA WE BAI KAMAP SAPOS YU NO HARIM TOK BILONG DISPELA NOTIS NA BIHAINIM. PNG PAWA BAI GIVIM MEKIM SAVE BIHAINIM LO BILONG ILEKTRISITI INDASTRI EKT.



Ekting Sif Eksekutiv Opisa bilong Isten Hailans Provinsal Helt Atoriti (EHPHA) Dr Max Manape (lephan) na bod siaman Malcolm Smith Kela i katim riben long makim opening bilong nupela Komyuniti Helt Pos long Yasubi hauslain long Okapa distrik, Isten Hailans. Ol foto: Loutova Siapea.



Nupela Komyuniti Helt Pos long Yasubi viles long Okapa distrik, Isten Hailans.

Gavana Jeneral Cosgrove bungim ol Katolik Helt Sevis

GAVNA Jeneral bilong Australia, Sir Peter Cosgrove wantaim meri bilong en, Ledi Cosgrove i bin go lukim ol lain long St. Joseph Freinademetz Senta long Boroko, las wik Fraide.

Dispela Helt senta em i stap aninit long lukaut bilong Katolik Sios Helt Sevis na em i hetkwata bilong ol dispela klinik netwok long Papua Niugini. St Josphe Freinademetz Senta i save givim helpim long HIV, TB na STI sevis long

ol pipel bilong Pot Mosbi, wankain olsem planti narapela klinik olsem insait long kantri.

Ol wokman na wokmeri insait long dispela senta i toktok wantiam Gavana Jeneral na Ledi Cosgrove long wok bilong dispela klinik na tu long ol arapela klinik insait long kantri.

Sir Peter na meri bilong em i bin gat sans long toktok wantaim ol lain i gat sik tu husat i save stap na kisim helpim long dispela klinik.



Gavana Jeneral Peter Cosgrove wantaim meri bilong en, Ledi Cosgrove i sanap kisim poto wantaim ol wokman na wokmeri na tu sampela sikman na sikmeri bilong St. Joseph Freinademetz Senta.

17 PNG Men ov Ona kisim luksave



CEO bilong Digicel Faundesen, Beatrice Mahuru i sanap wantaim Petron bilong Digicel Men ov Ona, Dame Carol Kidu na wanpela sponsa.

SEVENTIN man husat i save stap mekim ol gutpela wok bilong helpim ol meri na ol narapela man long daunim pasin bilong Vailens, i bin kisim luksave long Sarere las wik, insait long wanpela Gala Dina kaikai long Stanley Hotel, Pot Mosbi.

Sif Eksekutive Opisa bilong Digicel Faundesen, Beatrice Mahuru i tok Men ov Ona Awod em i wanpela kempen bilong daunim vailens egens wimen o pasin bilong paitim na bagarapim ol meri. Ol i kamapim long luksave long

strong bilong ol man husat i laik kamapim gutpela senis long ol komyuniti bilong ol na long kamapim bel isi na gutpela sindaun.

Mis Mahuru i tok tenkyu long ol narapela man husat i luksave long ol dispela man insait long komyuniti bilong ol we ol i wok long kamapim sampela gutpela senis long komyuniti.

“Ol dispela man i gat ol hevi bilong ol yet tasol ol i no wari long dispela na ol i go het long traim long helpim ol narapela long kamapim senis

long wei bilong edukesen, spot, bisnis na lidasip. Ol i olsem katim rot i go insait long hap bilong ston, bikos ol i save olsem senis bai stat insait long ol yet pastaim.”

Voi Puana bilong Maopa, Aroma long Sentral Provins i kisim Ona Awod bilong olgeta kategori bilong Digicel Faundesen Men ov Ona Awod.

Mista Puana em i wanpela tisa na em i winim tu Ela Motors Edukesen Sempion Kategri awod.

Narapela tisa, Suve Haro bilong Sabama long Nesenel Kepital

Distrik i kamap namba tu long edukesen awod sempion awod na Japheth Nicodemus bilong Menyamy, Morobe Provins i kisim namba 3 ples awod.

TV Wan Spots Mentor Awod namba wan i go long basketbal sempion, Moi Muri, bilong Kaugere na ragbi lig kosa na menesa, Brown Murema, bilong Sabama i kisim namba 2 ples na polis man ragbi kosa, Howard Ehava bilong Malalaua long Galp Provins i kamap namba 3.

Coral Seas Hotel donetim ol klina marasin long TB ward

Loutova Siapea i raitim

PABLIK na Praivet Patnasip Program em i gutpela, bilong wanem, planti helpim em bai i ken kam long ol bikpela kampani, bisnis haus na ol bisnis lain long helpim ol sevis institusen olsem haus sik, ol skul na tu ol sios.

Na Goroka Provinsal Haus sik em i wanpela bilong ol institusen we i kisim namba wan taim helpim i kam long bikpela Steamships Trading kampani.

Steanships em i mama kampani bilong ol Coral Seas hotel, na aninit long lukaut bilong Coral Seas

hotel, Bird of Paradise Hotel em i wokim bisnis long Goroka, Isten Hailans.

Long las wik Paradais husat i bin kamap na donetim ol helt na haigin samtin olsem brum, mop, wara baket, pawa masin bilong boilim wara, ol ditegen (detergent), sop na ol arapela samtina moa we bai i ken helpim long klinim ol plua na windua insait long ol klinik long Goroka haus sik.

Meri husat i go pas olsem namba tu menesa bilong Bird of Paradise Hotel Ellen Hanemo i tok, dispela tingting bilong kamapim wok patnasip

namel long ol pablik na praivet sekta emi gutpela, long wanem, insait long dispela program, helpim em i ken i go daun long ol institusen, skul, sios na ol kalabus lain tu.

“Steamships Trading Kampani, mama kampani bilong Coral Seas Hotels husat i lukautim Bird of Paradise hotel i luksave long planti ol hevi bilong mani i sot insait long ol gavman ejensi olsem na em i laik givim sapot long ol we ol i ken go het long mekim wok long helpim ol yet na ol arapela lain husat i laik kisim helpim long en,” Hanemo i tok.



Sr Medrine Komere (namba 3 long rait) i sikan wantaim namba tu menesa bilong Bird Of Paradise Hotel Ellen Hanemo long taim bilong givim ol klina marasin bilong TB klinik. poto: Lotova Siapea



To contribute to this page, contact MY Media & News Agency on mobile: 70747450

Gabriel Andandi em nambawan kendidet long baim nominesin fi

GABRIEL Andandi em i bin kamap nambawan kendidet long peim nominesin fi bilong em long dispela wik Mande Epril 24 long kontes long Tambul-Neblyer open sit long dispela eleksen.

Moa long 2,000 manmeri i bin kamap long Tambul stesin long witnesim dispela nominesin. Moa long 2,000 sumatin bilong Tambul-Neblyer i bin endosim Mista Andandi na baim fi bilong em tu bilong wanem ol i luksave olsem Andandi i save baim skul fi bilong olgeta sumatin bilong Tambul-Neblyer stat long 1997 i kam tude.

Moa long 60 sumatin bilong Tambul-Neblyer long Madang Divine Word Yunivesiti, Goroka Yunivesiti, UPNG na ol narapela skul insait long kantri i bin stap long kisim Gabriel i go long nominetim em long ai bilong Ritenin Opisa (RO), Mista Philip Kansol.

Ismael John, sumatin long Madang Tisa Koles i makim olgeta sumatin na sainim endosmen o nominesin fom long ai bilong RO na Gabriel Andandi.

Bikpela toktok Gabriel i givim em i tok olsem ananit long lidasip bilong em, i mas i gat ol bikpela skul man na meri insait long Tambul-Neblyer na kantri. Long dispela as tasol em i bin stat long helpim ol sumatin long 1997 i kam inap tude na em i bin yusim moa long K5000,000. Planti ol sumatin i bin kisim helpim long em i kisim ol bikpela wok long kantri olsem loya, dokta na ol narapela.

Planti ol manmeri i kam long Lowa Kagul, Upa Kagul, Lowa Neblyer na Upa Neblyer long witnesim dispela nominesin i bin kamap.

Gabriel Andandi em i fes kendidet long putim han mak long nominesin na em i bin namba wan kendidet tu long putim Fom 29 long ilektrol komisin.

RO, Mista Kansol i tok welkam long Mista Andandi we em i namba wan man long putim han

mak long givim nominesin bilong em na tok God tasol i ken kamapim na makim gutpela lida bilong distrik.

Taim Mista Andandi i givim tok tok bilong em long moa long 2,000 pipel long Tambul stesin, em i tok klia olsem as tingting bilong em long baim skul fi bilong ol sumatin bilong Tambul-Neblyer bai i no inap stop maski sapos em i lus long eleksen.

"Sapos mi win, bikpela mani baset i mas go long edukesin bilong ol pikinini," Mista Andandi i toktok

Olgeta sumatin bilong Tambul-Neblyer insait long kantri na ovasis i endosim Gabriel Andandi na peim nominesin fi bilong em.



Gabriel Andandi i sainim nominesin fom bilong em taim RO, Philip Kansol i lukluk.



Ol sumatin i kisim Gabriel i go long sainim nominesin bilong em.



Ol lida man long Mundika na Gaulga Traib long Lowa Kagul i mas na kisim Gabriel i go long sainim nominesin bilong em.



Gabriel i mekim toktok bihain long em i sainim nominesin fom bilong em.



NORMAN FINANCE LIMITED
Financial Solution Providers for a better future

Norman Finance Limited

P.O. Box 891, Waigani, National Capital District

Phone: (675) 326 3281, Fax: (675) 326 3281

Email: gandandi@hotmail.com

A Subsidiary of Universal Service Limited



GST#
18351

Interest rates are reasonable:

We offer

Low Interest Rates

Efficient Services

No Service Fees

No Default Fees

No Processing Fees

Rebate on Early Settlement

Service within 36 Hours


WANTOK
KOMENTRI

Wok bilong kempen na wok bilong gavman i no inap bung wantaim

LONG taim gavman i bisi long nesenel ileksen ol minista i holim yet wok bilong ol gavman dipatmen.

Ol i no lusim wok olsem ol i save mekim bipo long taim las miting bilong palamen i pinis na gavana jeneral i givimaut notis bilong statim ol wok bilong ileksen.

Sapos ol minista i holim yet wok bilong ol, bai ol inap long mekim gut wok bilong lukutim diptmen bilong ol o nogat?

I luk olsem ol bai kempen raun long winim bek sia bilong ol na bai i no gat taim long mekim wok bilong gavman. Long dispela taim tu, bai ol i yusim praivet mani bilong ol yet long kempen o bai sampela i yusim mani na ol arapela risos bilong gavman long kempen.

I gat lo i lukluk long dispela na stopim pasin we ol lida i yusim pablik mani long helpim kempen bilong ol o nogat?

Dispela em sampela askim bilong ol pipel i go long ol lida bilong yumi.

Wanpela eksampel em hevi i kamap long ol haus sik. Tude i gat ol hevi bilong marasin i sot long ol haus sik na minista inap long helpim seketeri bilong Helt long stretim dispela hariap o olsem wanem?

Na nesenel gavman tu i mekim wanem long helpim dispela hevi? Dispela em i wanpela eksampel bilong ol bikpela hevi we i nidim gavman long hariap na stretim.



I kam inap long pinis bilong palamen, ol memba i tingting tasol long go bek kempen na difendim sia bilong ol long dispela nesenel ileksen.

Na ol minista tu i gat wankain

tingting bikos ol tu i laik kam bek na stap insait long nupela gavman. Bai i no gat taim long sindaun long opis bilong ol long Mosbi na wari long wanem samt-ing i kamap long ol diptmen bilong

gavman, bikos ol i tingting long kempen na sampela bai raun wantaim pati lida i go soim pes long ol provins.

Hia long PNG, ol pipel i save soim rispek yet long ol lida, maski

sapos ol i no mekim gut wok bilong ol.

Yumi no lukim yet pasin bilong droim ol bikpela protes posta o piksa bilong ol politisen na semim ol lida long ai bilong pablik olsem ol arapela kantri i save mekim long ol lida bilong ol.

Yumi save stap isi tasol na mekim narapela man o meri long kisim ples bilong husat lida i no bin mekim gut wok bilong em.

I gat ol lo bilong ileksen i tok i tambu long bagarapim o daunim ol kendidet husat i resis long ileksen na ol pipel i gat rispek long dispela lo.

Ol pipel i luksave olsem namel long nau na long taim ileksen i pinis long Julai o Ogas, bai ol wok bilong gavman i slo daun bikos ol lida i bisi long raun na kempen i stap.

Olsem na mobeta i mas gat kea teka gavman i mekim ol wok bilong kantri na larim praim minista wantaim ol minista bilong em i go kempen long wan wan ilektoret bilong ol.

Ol i ken stap olsem ol man na meri nating wankain olsem ol arapela kendidet na kempen, bikos nau ol i holim wok bilong gavman yet, bai ol i gat unfair advantage long ol manmeri nating husat i resis tu long dispela ileksen.

Dispela em wanpela bikpela askim ol pipel bilong kantri i ken skelim, bikos wok bilong kempen na wok bilong ranim kantri i no mas bung wantaim.

Kendidet i gat nem nogut no ken resis, Bisop tok

Paul Zuvani i raitim

ILEKTORAL Komisen i no ken larim ol manmeri husat i gat nem nogut i resis long ileksen, Bisop it ok.

Bisop Rochus Tatamai, bisop bilong Bereina Daiosis na presiden bilong Katolik Bisop Konperens i tok taim Wantok Niuspepa i askim em long tingting bilong em long 2017 ileksen.

Em i mekim dispela tok bihainim ripot long Ilektoral Komisen i bin tok orait long sampela ol kendidet husat i gat rekot wantaim lo long ol ken resis.

Em i tok dispela ol lida i soim pinis olsem ol kendidet i gat pasin bilong brukim lo na olsem wanem bilip moa i stap long ol i no inap long brukim taim ol i kamap lida.

“Sanap bilong yu i mas soim olsem ol manmeri i bilip long yu long strong na pasin bilong yu gat,” Bisop Rochus i tok.

“Wanem samtung moa i stap bilong ol i bilip long yu taim yu gat nem nogut wantaim lo?”

“Mipela i laikim ol lida husat i ken bringim gutpela bilip na bel isi long tingting na bel bilong ol manmeri.”

Wankain tingting em Madang bisnisman Peter Yama i mekim.

Yama i resis long Madang rijonal sia wantaim ol arapela 31 kendidet we rijonal memba nau Jim Kas na bipo PNG ami Komanda Jerry Singirok i resis tu.

Narapela kendidet husat i mekim wankain askim em wanpela kendidet bilong Usino-Bundi distrik, Basak Amari.

Amari i tok ol politikal pati i no ken harim gris o mauswara bilong ol manmeri husat i gat asua pinis wantaim lo o i save raun nating long taun na taim bilong ileksen, ol i laik soim ol bilong dispela distrik.

Em i tok dispela kain lain manmeri i no pas wantaim laip bilong ol manmeri na i no

inap save sevis tru ol i laikim long em.

Mama, pikinini resis long EHP ileksen

MAMA wantaim pikinini meri i resis long ol sia long lsten Hailans provins long dispela ileksen.

Mama Nina Launa Giheno husat i meri bilong Frasier Giheno, brata bilong bipo Henganofi MP, John Giheno, i resis long lsten Hailans rijonal sia.

Long taim em i mekim olsem pikinini meri bilong em Mofa Nina Florencia Giheno husat i wanpela meri tasol i resis long Henganofi Open sia. Mofa i resis egensim 37 arapela kendidet long dispela sia.

Ileksen long dispela i wok long kamap gut na ol kendidet i go long kempen na tokaut long polisi bilong ol.

I gat 9-pela sia long resis long EHP na inap long 396 i resis long dispela ol sia. Long dispela 12-pela meri bai resis long ol sia long provins.

Ol sia em Kainantu wantaim 57 kendidet i resis long em, Okapa (53), Lufa (41), Obura Wanenara (47), Henganofi (38), Unggai Bena (31), Goroka (31), Daulo (50) na provinsal sia em (48).

Tripela meri bai resis long Rijonal sia, Goroka Open (4), Obuna Wanenara (4) na Henganofi (1).

Long kantri inap long 165 meri bai resis long ol sia long kantri long dispela ileksen.


WANTOK

Published Weekly, Thursday, for
Word Publishing Company, Ltd.

P.O. Box 1982, Boroko, NCD
Papua New Guinea

Telephone: (675) 325 2500

Fax: (675) 325 2579

Email: editorial@wantokniuspepa.com

Pe bilong wanpela yia
52 niuspepa

Ples:

PNG

AUSTRALIA

ASIA PACIFIC na JAPAN

AMERICA na EUROPE

Air:

K220.00

US\$110.00

US\$150.00

US\$210.00

General Manager
Elizabeth Konga

Editor
Frieda Sila Kana

Printed and Published at:
Dove Travel Building,
Level 2, Section 24, Lot
25, Angau Drive/ Lahara
Avenue Junction, Boroko

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.

Sista Jane Francis lusim PNG bihain long 55 yia



Sista Jane Francis (raithan) wantaim Sista Emilia na liklik lain sumatin bilong em long bipo i lukim em i go long Jackson's Ples balus long Mande dispela wik taim em i go. Sista Emilia i kamap olsem was angelo bilong em long kisim em i go bek long Chicago.

Frieda Sila Kana i raitim

SISTA Jane Francis Meerweld ssp. bilong Holi Spirit Sista kongrigesen em i wanpela nem we ol lain husat i bin skul long Malala Katolik Haikul long Bogia Distrik na long edukesen sistem bilong Papua Niugini i save gut tru long en.

Em i bin stap Prinsipal bilong dispela haikul long planti yia stat long leit 1960s inap Malala i kamap sekenderi skul long stat bilong ol 1990 yia.

Dispela misineri bilong Katolik edukesen nau i lusim Papua Niugini long Mande Me 1, bihain long 55 yia laip olsem wanpela Holi Spirit misineri sista, na i go bek long asples bilong em Chicago long USA.

Sista Jane Francis, wanpela namba wan meri long kamapim strong edukesen bilong Papua Niugini i bin helpim long kamapim "Unified Education System" we ol sios na gavman bilong kantri i kamap wanbel long bungim tupela sistem bilong edukesen i kamap wanpela sistem.

Em i bin go pas long kirapim Malala haikul long ol yia bilong leit 1960 i kam na em i wanpela strongpela meri long bungim ol sumatin man na meri insait long wanpela haikul tasol. Em i senisim long bipo we ol meri sumatin i gat skul bilong ol yet na ol boi sumatin i gat hai skul bilong ol yet. Malala na Hoskins haikul i bin go pas long kamap ko-edukesenel skul long kantri we Sista Jane i bin stap Hetmistres bilong Malala Katolik Hai Skul long dispela taim.

Sista Jane Francis i bin kisim namba wan ol sumatin meri i go insait long Malala Katolik Hai skul long yia 1972 we i lukim ol meri i greduet long gret 10 long namba wan taim long yia 1975, yia bilong Indipendens bilong Papua Niugini.

Sista Jane em i gat singaut bilong developim ol sumatin i kam long bus ples stret na mekim ol i kamap olsaveman na meri. Em i 'ain meri' long disiplin na stretim ol sumatin tasol em i gat hat bilong mama we i save ke na lukautim gut tru olgeta wan wan sumatin i mas kamap bihainim gutpela rot bilong bihain taim bilong en.

Mi yet i kamap jenelis nau bikos dispela Sista i bin senisim rot bilong mi bihain long gret 10 greduesen bilong mi long 1979. Em i senisim tingting bilong mi long kamap egrikalsa opisa na tokim mi long lusim ofa bilong mi i kam long Vudal Egrikalsa Koles na em yet i putim nem bilong mi long Divine Word Institute. Em wantaim kongrigesen bilong em i baim namba wan skul fi bilong mi na mi statim skul bilong mi long kamap wanpela nius ripota.

Taim em i go sampela olupela sumatin bilong em i bin kamap long Jacksons ples balus long tok gutbai long en. Ating sapos toktok i bin go aut pastaim, bai Jackson's ples balus i no inap gat spes long holim ol sumatin bilong em long bipo bai kam long tok gutbai.

Sista Jane, mipela Papua Niugini sumatin bilong yu i tok tenkyu long God long laip bilong yu na prea bilong mipela i stap wantaim yu long yu givim laip bilong yu long edukesen bilong ol yangpela pipel na bikipela bel yu gat long ol.

God Papa i ken blesim malolo bilong yu long asples.

Nupela CBC opis

KATOLIK Bisop konferens (CBC) nau bai gat nupela opis.

Dispela opis bai stap yet klostu long olupela opis long Gordon, Pot Mosbi.

Ol bisop i tokaut long dispela tingting taim ol i mekim graun breking seremoni long Gordons long las wik.

Ol 17 bisop bilong Papua Niugini na Solomon Ailan i bung long Pot Mosbi long Enuel Bisop Konferens we i stat long las wik na bai pinis long tude.

Nupela opis bai gat ol opis olsem edministresen, dokumentesen, rilijus edukesen,

edukesen, Karitas, famili laip na planti moa arapela opis.

Dispela ol opis i stap bilong helpim ol wok kamap bilong kodinesen, plening na implementesen bilong evanjelikal wok na sosel autrits program bilong Katolik sios long Papua Niugini na Solomon Ailan.

Wantaim dispela bai gat sampela ples bilong givim ol ol bisop long kisim taim na malolo long taim ol i mekm wokabaut bilong ol long Pot Mosbi

Long stap na lukim dispela seremoni em sampela ol bikipela lain

man olsem Gren Sif Sir Michael Somare, Sir John Kardinal Ribat (Asbisop bilong Pot Mosbi), Asbisop Kurian Mathew Vavalunkal (Apostolik Nunsio) Bisop Rochus Tatamai bilong Bereina husat em ol bisop i ilektim long kamap nupela presiden bilong CBC na Mista Peter Mildner, kapenta husat bai helpim long mekim opis.

Sir Michael na Bisop Rochus i tanim graun long makim kamap bilong nupela opis.

Bipo long tupela i tanim graun, Sir Michael i amamas na tok dispela hap bai

lukim olsem was na sevis bilong Katolik Sios bai go aut long olgeta kona bilong PNG na Solomon Ailan.

Bisop Rochus i tok kain wok i mekim em i tingim wok ol namba wan misinari i mekim long bringim tok bilong God long PNG na Solomon Ailan planti yia i go pinis na dispela tok nau i wok long gro yet wantaim strong bilong Bikipela na Spirit bilong em.

Olpela opis i no inap long kisim olgeta wok nau i wok long kamap.

Ol bisop i bilip wantaim nupela opis, dispela i ken helpim ol gut long kamapim ol wok ol i mekim.



Ol bisop i bung wantaim ol misisnari long brukim graun long kamapim nupela opis. Givim baksait long fran em Asbisop Kurian Mathew Vavalunkal, Bisop Rochus Tatamai, Sir Michael Somare na Sir John Kardinal Ribat. *Poto: Pater Ambrose Pereira*

Australian Gavana Jenerel bungim yangpela Papua Niugini



Australia Gavana Jeneral Sir Peter Cosgrove (namel) i bungim wantaim ol win bilong Australia bisnis skul awot. *Poto: Australia Hai Komisen midia*

AUSTRALIA Gavana Jeneral Sir Peter Cosgrove i bungim ol Papua Niugini meri husat i winim Australia skolasip long go kisim sotpela bisnis kos long Australia long dispela mun na narapela mun, Jun.

Cosgrove i bungim ol meri long Pot Mosbi long taim em i kam long kantri las wik long tingim Australia Nu Silan De.

Stap long givim dispela ol skolasip em Australia Hai Komisina long Papua Niugini Bruce Davis.

Dispela ol meri bai kisim Setifiket IV long Bisnis na Nupela Bisnis Kamap we Yunivesiti bilong Sansain Kos na LukNau Trening bai givim.

Ol meri i tokaut long Gavana Jeneral long bisnis wok na plen bilong ol long said bilong wok didiman, hospitality na hotel na turisim.

Long narapela 6-pela wik, ol bai developim skil na save bilong ol long kain kain wok bisnis ol i gat long em.

Ol meri bai kisim tu wok trening bihain long skul bilong ol.

Long olgeta yia, inap olsem 200 Papua Niugini manmeri i save winim skolasip long kisim sotpela kos long helpim ol yet.

Long dispela yia planti ol wina e mol meri we namel long 25 lain i winim skolasip bilong dispela yia, 24 em ol meri.

Australia Awot i kamap bihain long tok orait bilong tupela gavman bilong Australia na Papua Niugini.



Yut, Meri na Famili

Pastor Barbara Lunge

Mama karim yu long stap win man

BAI yu luksave olsem God bilong yu i no save long lusim pait! God bai bringim yu long winim pait bilong yu.

Em bai i no inap long lusim yu na yu pundaun nating na yu stap long sait bilong win long taim yu mekim disisen bilong yu long kamap pikinini man bilong God i gat laip.

"Taim God i no mekim graun i kamap yet, na em i makim yumi pinis long pas wantaim Krais, bai yumi ken i stap holi. Bai i no gat asua long ai bilong en. Bipo yet em i laikim yumi tumas, na em i makim yumi bilong kamap pikinini bilong em yet long wok Jisas Krais bai i mekim bilong kisim bek yumi. Long laik bilong em yet God i mekim olsem. Long nem bilong dispela Pikinini em i laikim tumas, God i bin marimari moa yet long yumi. Olsem na yumi mas ting long dispela bikipela marimari bilong em na yumi mas litimapim nem bilong God." Efesus 1:4-6.

Yu na mi em God i mekim yumi long go long pawa na atoriti bilong Jisas Krais long stap bosim graun wantaim em.

Jon 1:12-13 i tok, "Tasol sampela manmeri i kisim em, em ol lain i bilip long nem bilong em. Na em i givim namba long ol bai ol i ken kamap pikinini bilong God. Ol i no kamap pikinini bilong God long blut bilong papamama, o long laik bilong bodi, o long laik bilong man. Nogat. God yet i mekim ol i kamap pikinini bilong em."

"Orait yumi stap pikinini bilong God, na bihain bai yumi kisim ol gutpela samting God Papa i bin promis long givim yumi, em ol samting Krais, brata bilong yum i, i kisim pinis. Sapos nau yumi karim pen olsem em i bin karim, orait bihain bai yumi kisim biknem na gutpela sindaun tru wantaim em," Rom 8:17.

God i mekim mi long go insait long pawa na atoriti bilong Jisas Krais i kam long dispela graun na long larim ol kalabus lain i go fri. Yumi mekim ol aipas i lukluk gen, kirapim ol dai man, autim gutnius long ol lain i stap rabis na winim planti handet na tausien i go insait long Kingdom bilong God.

"Spirit bilong God, Bikipela i kam i stap long mi, long wanem, Bikipela yet i kapsaitim wel long het bilong mi bilong makim mi bilong i go bringim gutpela tok bilong en long ol rabisman. Na em i salim mi i kam long pinisim bel hevi bilong ol man i stap wantaim bikipela wari, na long tokaut long ol man i stap long kalabus long ol i ken lusim kalabus na go fri. Em i salim mi long tokaut olsem, taim i kamap pinis bilong God Bikipela bilong yumi i laik mekim gut long ol manmeri bilong en na mekim save long ol birua bilon gol. Na em i salim mi long strongim bel bilong olmanmeri i sori na i krai." Aisaia 61:1-2.

Kirap ol Papua Niugini na kisim salens long go long kamautim ol kaikai em sol bilong ol man long go insait long Kingdom bilong God. God Holi Spirit bai stap wantaim yu long kamapim ol sain na kainkain mirakel.

Pawa bilong God i no gat mak.

Taklam Lodge save pulim planti visita

Nicky Bernard i raitim

KOKOPO Taun i wok long gro go bikpela na tu i wok long pulim planti turis na ol visita long go raun long dispela Niugini Ailan Kapitel.

Planti ol Hotel na Lodge tu i wok long kamap long dispela Kapitel bi-long Niugini Ailan na planti ol turis i wok long raun go long dispela provins klostu klostu.

Taklam Lodge, em wanpela long ol lodge long Kokopo i save putim planti manmeri long go stap long en. Dispela lodge i bin stap bipo yet taim tupela maunten paia i bin pairap long 1994.

Dispela taim nau ol muvim taun i go long Kokopo na Taklam Lodge i kamap long 1994 na kamap liklik olsem famili gest haus. Dispela taim i no gat planti rum tumas na ol manmei save resis long bukim klostu klostu long wanem ol wok manmeri i save lukautim ol gest gut tu.

Taklam Lodge i wok long senis olgeta yia na i wok long gro go bikpela na bikpela moa yet. Nau ol gat bikpela ol rum long nupela wing bilong ol. Dispela nupela wing bilong 16-pela rum olgeta na em i bikpela moa na i gat planti spes inap long wanpela famili ken stap long wanpela rum.

Dispela nupela wing i gat tupela bet, TV i stap insait, i gat eakon, liklik bokis ais na i gat toilet na ples bilong waswas insait.

Taklam Lodge i kamapim wanpela sevis tu i go wantaim sevis bilong ol. Long taim yu go slip long Taklam na askim long givim yu sevis bilong tour em bai go insait wantaim prais ol bai givim yu. Ol i gat tour bilong solwara na bilong graun tu, yu yet bai yu makim long laik bilong yu.

Taklam Lodge tu i gat restron bilong ol tu, wanem kain kaikai yu laikim dispela restron bilong ol bai givim yu stret kaikai long laik bilong yu.

Taklam Lodge i stap namel stret long Kokopo taun, em stap klostu long ol soping senta na klostu stret long Kokopo maket. Tupela minit tasol long wokabout go long ol dispela hap.

Dispela tasol mekim planti ol manmeri husat save raun go long Kokopo, i save tingim Taklam Lodge tasol em ples bilong stap long en long wanem em i klostu long olgeta samting.

Taklam Lodge tu i gat bikpela



Nupela wing bilong Taklam Lodge we i gat olgeta samting stap insait.

susa bilong em ol i kolim long Kokopo Beach Bungalow Resort o sot nem em KBB.

Kokopo Beach Bungalow em stap klostu long naispela nambis, olsem na ol kolim Beach Bungalow. Dispela sista Hotel bilong Taklam em olsem liklik 5 sta Hotel bilong Niugini Ailan, planti ol turis save go na stap long dispela Hotel.

KBB, i kamap popula liklik nau long ol turis long wanem em save givim ol gutpela sevis long stap, kisim ol raun long solwara na raun long ol rot na soim ol long ples bilong Wol Woa 2 na ol long ol mounten paia.

Dispela liklik 5 sta Hotel save i save pulim ol turis na ol manmeri husat save raun go long Kokopo long malolo o bikpela bung KBB save winim lewa bilong ol long pasin tasol.

Olgeta wok manmeri bilong tupela susa Taklam na Kokopo Beach Bungalow i save soim pasin bilong lukautim ol kastoma, naispela smail bilong ol, bilas bilong ol tu em neks level olgeta na pasin helpim save stap wantaim olgeta.

Kokopo taun i save senis olgeta yia, na i wok long gro go bikpela moa yet nau. Planti ol bisnis i wok long go insait na ol gavman tu i wok long strongim long stretim rot na mekim kamap gutpela liklik siti

bilong ol Niugini Ailan.

Sapos yu tingting long kisim famili bilong yu na raun long Kokopo, tingim Taklam Lodge em ples bilong stap long wanem em

famili Lodge i kamap long taim bipo long ol Hotel i kamap long Kokopo.

Yu ken painim ol long website bilong ol long www.kbb.com.pg or

email.reservation@kokopobeach-bungalow.com.pg o ringim ol na mekim buking long 9828788/8789 fax em 9828700.



Insait bilong dispela nupela wing bilong Taklam.

Ol poto: Nicky Bernard



ICRC yusim drama long taim bilong helpim long Hela



Ol lain bilong Ozon Tieta i mekim drama long givim infomesin bilong.



ICRC givim helpim long lain bungim hevi bilong traibel pait.



Meri kisim haus saplai kit long stretim gen sindaun.



Meri kisim dis wantaim ol haus saplai kit long Red Cross voluntia.

INTENESANEL Komiti bilong Red Cross (ICRC) i bin soim gutpela pasin stret taim em i helpim ol pipel bilong Tagali lokal level gavman (LLG) long Tari-Pori distrik long Hela provins. Ol i bin bungim bikpela hevi tru bihain long Peta-Tipa traibel pait long las yia.

Dispela bikpela pait namel long ol wan tok-ples bilong Peta na Tipa long Hela provins long las yia i bin bagarap gutpela sindaun bilong ol.

Dispela pait i bin stat long las yia long mun Mas na i bin pinis long mun Oktoba.

Insait long dispela bikpela pait faivpela laip i bin lus na moa long 670 haus i bungim bagarap na paia i kukim na ol lain birua i stilim planti samting.

Long mun Februeri long dispela yia, wanpela bel isi seremoni i bin kamap.

ICRC i luksave tru long nid bilong ol pipel husat i bin

bungim hevi long dispela bikpela pait na i bin bringim moa long 670 ol kit haus saplai long helpim ol manmeri long ples Pajapawi, Hapiago, Jalupa and Hupi-pa, Walumendi na Halongali long statim gen nupela sindaun na bringim bek laipstail bilong ol.

Dispela ol kit saplai ICRC i bringim long ol i gat samting olsem ol kontena bilong pulapim wara, moskito net, ol samting bilong kukim kaikai na ol tul bilong wokim gaden. Dispela bai helpim ol long bringim kamap gen nupela laip long ol pipel.

Long taim bilong distribusen o givimaut ol dispela haus saplai kit, ICRC i bin bringim wanpela lokal drama grup ol i kolim Ozon Tieta long wokim ol pilai drama long givim tokaut na soim ol gutpela infomesen long sait long Intenesenel Humanitarian Lo (IHL). Dis-

pela em lo bilong taim bilong woa we i banisim na lukautim ol manmeri egen-sim birua.

Dispela ol samting we IHL i karamapim long taim bilong woa em no ken bagarapim ol manmeri no gat rong, ol sikmanmeri o meri na liklik pikinini na ol pablik propeti olsem haus sik, haus lotu na ol arapela samting.

Bosman bilong ICRC long Mt Hagen opis, Kakhaber Khasaia i tok olsem ICRC i yusim drama olsem gutpela tul long bringim infomesen i go aut long ol pipel long Intenesenel Humanitarian Lo (IHL) na wanem ol strongpela toktok ol pipel mas save long en.

"Bikpela tok save em: no ken bagarapim ol sivilien populesen olsem ol meri, liklik pikinini, ol disebol pipel na ol lapun manmeri husat i no inap pait bek,

"No ken bagarapim ol helt

fasiliti olsem haus sik, ol skul, bris na pawa saplai we i save kisim longpela taim long kamapim," Mista Khasaia i tok.

Em i tok dispela Ozon Tieta drama grup i yusim lokal tokples long mekim pilai o ekt bilong en na i bringimaut gutpela tok save na mining bilong tok i go long ol pipel. Ol manmeri husat i bin bung long dispela taim i bin harim na kisim tru mining bilong lo bilong woa. Na dispela lo em oltaim ol mas bihainim taim wanpela pait namel long ol birua i kamap long bihain taim.

Mista Khasaia i tok distribusen o givim aut bilong ol kit i bin orait stret we 3618 hauslain o manmeri i bin kisim. Dispela em wanpela bikpela distribusen tru insait long Hela provins.

ICRC Hela fil deleget, Jose Luis Pizo Gil, husat i oge-naisim dispela distribusen i

tokaut olsem ICRC i luksave na amamas long sapot na helpim bilong ol lokal volantia, ol Red Cross volantia na ol lida bilong komyuniti husat i helpim long lukim wok i kamap orait.

Wanpela komyuniti lida bilong Hapiago klen, Epoko Haralu i tokaut olsem ICRC em namba wan oge-naisesen tru long go insait long komyuniti bilong ol bihain long pait long givimaut ol rilif saplai long helpim ol pipel.

Haralu i tok dispela ol helpim ICRC i givim bai helpim ol pipel long kirapim bek ol haus bilong ol na tu helpim ol pipel long go bek na wokim gaden na kamapim gen nupela laip bilong ol long ples na ol i ken go bek long nomal laip.

Haralu i makim 6-pela komyuniti long tok tenkyu long ICRC long givim ol haus samting long helpim ol i kirapim bek sindaun bilong ol

bihain long bikpela pait long las yia.

Em i tok amamas tu long ICRC long mekim kamap aweanes long lo bilong woa, na yusim lokal drama grup husat i bin tok ples na bringim gutpela skul tok na infomesen i go aut long ol pipel.

Grup lida bilong Ozon Tieta, Jonathan Kon i givim bikpela tok tenkyu long ICRC long yusim grup bilong em long wokim aweanes long bringim aut pablik ol bikpela toktok long lo bilong pait na banisim birua long kamapim hevi we i bihainim lo na rul bilong IHL.

Jonatha Kon i tok olsem ol pipel olsem ol traib lida, ol yut na ol mama wantaim ol skul pikinini i kisim tru mining bilong ol drama na infomesen.

Plantil ol pipel i tokaut olsem ol i amamas olsem ICRC i yusim drama long bringim ol bikpela tok save na infomesen long kamapim gutpela sindaun na bel isi.

Ol pipel i traिम long statim laip gen long Aleppo

KLOSTU long olupela siti bilong Aleppo long Syria, bai yu inap smelim naispela smel bilong plawa rose na jasmine i kam long wanpela stua ol katres na bom i bagarapim wanpela sait bilong en. Sampela mun i go pinis bikpela pait i bin kamap long dispela hap tasol planti yia tru, dispela stua i save salim ol sanda na woa i no senisim smel bilong en.

Long planti handet yia, ol maket na strit maket bilong Aleppo i bin gat nem long ol kain kain samting ol i save salim. Dispela siti i wanpela hap long western sait we ol lain i save bihainim rot i go kamap long Saina long Silk Road. Long bipo yet na nau tu, ol bisnis lain i save pulap long baim ol kain kain samting i kam long olgeta rijon bilong dispela hap long wol.

Aleppo i no sot long ol samting na ol pipel bilong en i bin gat gutpela sindaun. Tasol sori tru, tude ol bom i bagarapim tru ples na moa pipel i ranawe i go nabaut. Long west hap bilong siti we gavman i kontrolim, ol samting i orait liklik, tasol ol pipel i kisim liklik mani tasol na i save strong long mani ol

famili long narapela kantri i salim long ol. Long Isten hap bilong siti, we ol rebel i bin kontrolim, ol bom bilong Rasia i bagarapim tru ples.

“Sapos pait i wok long gohet yet, ating nau bai mipela i wok long kaikai ol gras i stap,” Abu Abdou husat i gat 71 krismas i tok, na em i poinim han long ples we ol gras i gro namel long ples we ol haus i bruk nabaut na slip i stap.

Abdou wantaim ol pren bilong em i sindaun long ol bruk bruk plastik sia ausait long olupela haus lotu bilong ol Muslim namel stret long olupela siti bilong Aleppo. Dispela liklik haus lotu ol i kolim al-Tuteh, (the Mosque of the Mulberry Tree), i makim ples we long yia 637 ol Muslim ami i bin winim ol Roman, na ol i bin stop na pre long dispela hap. Laki tru dispela haus lotu i no kisim bagarap long dispela woa i kamap nau.

Sikispela yia bihain long ol lain i kirap pait egensim gavman bilong Bashar al-Assad began, dispela woa long Syria i wok long go yet. Long not hap bilong kantri, ol balus bilong gavman bilong Syria na Rasia i wok long tro-



‘Sapos wanpela man i kam long baim switpela kaikai, em i soim olsem em i amamas. Sapos em i wari, bai em i no tingting long kaikai,’ Abu Abdul, wanpela man husait i save salim ol switpela kaikai long Aleppo, i tok.

moi ol bom, na long Raqqa planti moa pipel i dai long taim ol lain em USA i go pas long ol i pait egensim ol lain bilong Islamik Stet.

Pait i stap yet long ol sabeb long Aleppo, tasol long isten hap bilong siti, ol pipel husat i stap laip yet na i no lusim ples, i wok long traिम kamapim gen sindaun bilong ol.

Wanpela bilong ol em Abu Ahmad husat i gat 65 krismas. Em i save salim ol switpela kaikai. Em i bin kisim bagarap taim katres i katim bel bilong em na ol i ting bai em i dai tasol wanpela dokta

i sevim em.

Em i tok em i tinging long tripela pikinini meri bilong em na em i stap laip. Nau em i save wokim ol switpela kaikai na salim na lukautim famili bilong em.

Tasol sampela famili i pret long toktok long laip bilong ol nau long Aleppo. Ol i pret nogut gavman i mekim save long ol. Planti bilong ol lain husat i go bek i painim olsem ol soldia bilong Syria i stilim ol samting long haus bilong ol. Gavman bilong Syria i sutim tok long ol rebel paitman tasol ol pipel i save olsem ol soldia bilong Syria i



Bipo dispela i bin haus sik bilong ol pikinini long ls Aleppo.

bin go insait long rausim ol bom na ol i rausim tu ol samting insait long ol haus.

“Yu no save long ol pipel bilong Aleppo,” Intisar Abu Saleh, wanpela rediolojis i tok. Em i save helpim long mekim wok bilong Al-ta’Alouf, wanpela lokal sariti grup husat i save helpim ol refuji na ol pipel i stap long ls Aleppo. “Mipela i stap olsem inap 6-pela yia nau, tasol mipela i stap laip yet. Mipela i laikim laip na mipela i amamas. Maski ples i bagarap mipela i traिम long stap laip wantaim liklik samting mipela i gat.”

The Mosque of the Mulberry Tree em i ples we Abu Ahmad na ol pren bilong em i save bung na stori long planti yia tru. Ol i save sindaun stori na ol kar i ran i go kam, ol pipel i save kam pre, ol bisnis i op na ol famili i stap klostu. Tasol tude, sampela hap bilong haus lotu i bagarap na i gat grafiti ol i pentim long ston wol. I no gat planti nois long strit olsem bipo.

Tasol laip long Aleppo bai i stap yet, Abu Ahmad i tok. “Mipela i save sindaun ausait long dispela haus lotu, na tude mipela i stap yet.”

Turkey no amamas long US i wok wantaim ol Kurd

BIHAIN long ol balus bilong Turkey i bomim ol hap we ol Kurdish lain i stap long not-is Syria, ol soldai bilong USA i kisim wanpela lapun militen i go long lukluk long ol bagarap balus bilong Turkey i bin kamapim.

Dispela lapun em Abdi Ferhad Sahin, o Sahin Cilo, em i wanpela senia lida bilong Turkish militen grup ol i kolim PKK. Gavman bilong Turkey i putim \$1.1milien long het bilong em. Ol kamera i bin stap long kisim piksa bilong Cilo long taim em i kamap long pablik wantaim ol US.

USA wantaim Turkey i tok PKK em i wanpela teroris grup, tasol USA i wok klostu wantaim ol soldia bilong Cilo long pait egensim Islamik Stet (ISIS). Olsem na long taim Cilo i bin kamap wantaim ol lain bilong USA, ol i luksave olsem ol pren bilong USA bai i no amamas.

Long dispela kona bilong Syria, dispela woa i kamap bikpela moa. Ol tenk bilong USA i bin stap long wanpela seksen bilong boda long Turkey. Ol i stap namel nau long ol Turk husat i stap long not na ol lain Kurdish fos husat i stap long saut. Ol Syria i kolim ol YPG na ol i wok klostu wantaim ol lain PKK.

Turkey i kros long dispela tasol USA i luksave olsem ol i mas wok bung wantaim ol Kurd long rausim ISIS na kisim bek Raqqa. Gavman bilong Turkey i ting

bai Presiden Donld Trump i senisim dispela polisi bilong presiden bipo, Barack Obama, husat i yusim ol Kurd long helpim US. Turkey i ting Presiden Trump bai salim ol US soldia i go pait egensim ISIS o sapotim ol lain Arab em Turkey i wok long bungim long pait egensim ISIS.

Dispela US-Kurdish wokbung i kamap strong nau olsem na Presiden bilong Turkey, Recep Tayyip Erdoğan, i tok dispela i ken mekim ol Kurd i singaut gen long kamap independen na kamapim moa hevi insait long boda bilong Turkey.

Long taim Turkey i tromoi ol bom long bikmoning long las wik Tunde, em i bin tok save long ol lain bilong USA samting olsem 52 minit bipo long ol balus bilong en i tromoi ol bom long dispela hap.

Planti lain i sutim tok long Gavman bilong USA bikos em i no tok klia yet long wanem kain samting em bai mekim long Syria na Iraq. Na nau tripela yia bihain long pait egensim ISIS em i no tokaut wanem taim tru ol soldia bilong en bai go insait na kisim Raqqa, o wanem rot ol bai bihainim.

USA i salim pinis 500 spesel fos bilong en na ol edvaisa long helpim Syrian Democratic Forces, wanpela grup em YPG i go pas long en, na i gat sampela Arab yunit tu i stap insait long en. Planti YPG lida em ol PKK sol-

dia bipo husat i gat planti eksperiens long pait egensim ol ol ami bilong Turkey long planti yia.

Long Iraq, samting olsem 5,000 US soldia i givim trening long ami bilong Iraq long pait egensim ISIS. Astinging bilong dispela woa em ong kisim bek Mosul. Tasol sevenpela mun nau na i no gat wanpela samting i kamap. Ol bom na katres i no inap long rausim ol dispela lain husat i strongim western kona bilong Mosul siti.

Bihain long Mosul bai ol i traिम long kisim Mount Sinjar, ples bilong ol lain Yazidi long Iraq. ISIS i bin kisim Sinjar long Ogas 2014 na rausim planti tausen Yazidi pipel na klabusim planti ol meri.

Ol balus bilong Turkey i bin atekim Sinjar maunten las wik na kilim faivpela peshmerga paitman husat i sapotim Kurdistan Regional Government (KRG) – wanpela pren bilong Turkey husat i kisim bek Sinjar long Novemba 2015. Turkey i bin paia long ol lain PKK long dispela maunten em ol i bin kisim bek las yia.

Turkey i wok long pinisim namba wan hap bilong 911 kiomita banis long boda bilong em wantaim Syria.

Na em i laik bai KRG i mas stopim ol lain YPG na PKK long Sinjar. Dispela i kamapim gen kros namel long ol peshmerga na PKK.

Ol EU lida pasim tok long sanap strong long spesel Brexit miting

OL lida bilong Yuropan Union (EU) i pasim tok long sanap strong na i no ken surik long taim ol i toktok long Brexit wantaim Yunaitet Kingdom (UK). Ol i tok UK i mas wanbel long baim EU bip long ol i toktok long nupela tred dil.

Ol lida bilong 27 EU kantri i wanbel long bihainim ol draf gaidlain em Donald Tusk i bin tokaut long en las mun bihain tasol long 15 minit bilong wanpela spesel miting long Brussels long Sarere.

Long taim ol toktok namel long UK na EU i stat long mun Jun, gavman bilong UK bai i mas tok klia long rait bilong ol sitisen bilong EU husat i stap nau long UK, na em i mas baim €60bn (£51bn) long lusim EU na tok stret long boda bilong Ireland bipo long ol i ken tokok long nupela tred dil wantaim EU.

Ol bikpela askim bilong EU27 em hia:

- Bai i no gat pasin bilong “cherry picking” long ol foapela ki singel maket fridom, em ol i no inap long “brukim nabaut”. Dispela bai kilim hop bilong gavman long holim sampela “element bilong wanpela singel maket” sapos i no gat fri muvmen bilong ol pipel.
- Ol 27 kantri bai bung wantaim na negosiet wantaim UK olsem wanpela grup. No gat wan wan kantri bai toktok wantaim UK long ol tred dil bilong bihain taim inap dispela taim bilong trensisen i pinis.

Bai UK i lusim EU isi isi. Namba wan hap bai i kamap long wei bai i no inap long bagarapim olgeta samting. Bai ol i givim praoriti long sindaun bilong ol sitisen bilong EU na wanem samting lo i tok long sindaun bilong ol. Long taim ol i stretim dispela, bai Yuropian Kaunsil i givim tok orait long namba tu hap bilong UK i lusim EU. Dispela hap bai lukluk long wanem kain wok bung bai stap namel long UK na EU.

Ol rait bilong ol sitisen bai i “namba wan praoriti long ol dispela negosiesen”. Bai lo i lukautim raits bilong ol sitisen bilong EU na UK long taim UK i lusim EU olgeta. Ol i ting bai dispela i kamap long Mas 2019. Long dispela taim, husat sitisen bilong EU i stap long UK long moa long faivpela yia, bai lo i protektim em. “Bai ol i lukluk long kain kain rot” long lukautim boda i stap namel long Noten Ireland na Ripablik bilong Ireland. Ol negosiesen bai i no inap putim strongpela boda nogut bai dispela lo i kamapim gen ol pasin birua namel long tupela. Ol i no makim yet hamas mani UK i mas baim long bruk lusim EU, tasol EU blok bai strong long kisim wanpela bikpela fainensel setelmen, olsem na UK bai i wok long baim yet ol baset mani inap long yia 2020.

Bipo bipo, tru wanpela lik-lik ples i no gat wara. Dis-pela ples nem bilong em Tipinini. Long dispela ples i gat tupela man na meri. Nem bilong tupela em Lemeyan na Lakeyam. Lemeyan em man, Lakeyam em meri. Long dispela taim tupela i no gat wanpela pikinini, tupela em tupela tasol i stap.

Tupela i stap i go na man Lemeyan em wok bilong en long pulimapim wara na brukim paiawut. Meri Lakeyam em wok bilong em long wokim gaden na lukau-tim pik. Orait nau, Lameyan em save i go pulimapim wara we em Lakeyam em i no save. Lakeyam em save pilim olsem, i no gat wanpela wara i save i kam long hia na Lemeyan em save kisim wara long wanem hap tru?

Orait, wanpela taim san i lait gut tru na gutpela taim tru i kamap. Orait, Lemeyan wantaim Lakeyam tupela i stap klostu long haus dua bilong tupela. Tupela i sindaun na tupela lukim wanpela pisin i plai i kam i kam na sindaun antap long wanpela diwai klostu long haus dua bilong

tupela, na em lusim wnapela pinga kapa bilong pik. Na Lemeyan em lukim i pundaun long graun na em i kisim.

Na tupela lukim pinis, nau na Lemeyan i kirap na askim pisin, ya na tok, “Bilong wanem yu karim dispela pinga kapa bilong pik i kam na givim long mitupela. Em i tokim pisin olsem, “Yu lukim wanpela man i indai na i kam, o wanpela pik i lus na yu i kam, o wanpela man i kilim pik na ol salim tok long yu long i kam kisim mi, o olsem wanem tru na yu i kam?”

Orait nau, pisin ya i tanim tel bilong em na tok, “Nogat.” Orait, Lemeyan, i askim em gen na tok, “Ol sampela lain man ol i mekim bikpela pati na ol i kilim pik bilong ol na ol salim toktok nabaut long olgeta ples na ol salim tok long i kam kisim mi o olsem wanem?” Lemeyan tok, olsem nau, pisin i harim dispela tok na em daunim het bilong en na em kirap raunim haus na rausim wanpela tel bilong en na em lusim klostu long pes bilong Lemeyan na em i plai i go.

Wara i kam long ston

STORI BILONG TUMBUNA

Lemeyan em i kisim dispela tel bilong pisin na em kirap tokim Lakeyam na tok, Pisin ya em tok save long mitupela pinis na mi bai i go long dispela pati, na yu i mas stap long haus. Na yu lukau-tim pik bilong mitupela i stap. Orait, Lakeyam em i tok, “Orait. Tasol yu i mas redi long paiawut wantaim wara bilong mi na yu i go.”

Orait Lemeyan i harim tok bilong Lakeyam na em i hariap tasol brukim ol paiawut na hipim i go inap pulap tru long haus. Orait, em kirap katim 4-pela long-pela mambu na em hariap tasol i go pulimapim wara long ples em save i go pulimapim long en. Orait, em pulimapim pinis em karim i kam na em i putim long haus pinis na em i sindaun liklik na em tokim Lakeyam na tok. “Nau bai mi wokabaut i go na mi slip namel long rot na tumora mi wokabaut i go na bai mi

inap kamap long ples bilong pati, na bai mi inap long slip na narapela de em i inap long statim pati. Na mi kaikai i stap inap wanpela de na narapela de long en bai mi inap i kam slip long rot. Na sikis de long en bai mi inap kamap long haus.”

Na em i tokim Lakeyam olsem, “Yu i no pinisim wara hariap, inap long 5-pela de. Na long sikis de yu pinisim long moningtaim samting i orait.”

Orait nau, Lemeyan em i kirap em kisim ston akis bilong em na em i kisim bapara bilong en, kisim olgeta bilas bilong en na em karim bilum bilong en na em kirap i wokabaut i go i go na tudak na em i slip long rot. Orait narapela de em kirap kukim kaikai na em kaikai pinis long moning taim tru em kirap na i go i go na long apinun tru em kamap long ples bilong pati. Dispela ples ol i man i mekim pati long en nem bilong en LHIYAMA.

Lemeyan em i go kamap na em slip wantaim ol planti man ol bilong narapela ples nabaut, ol i kam na slip bung long wanpela haus man tasol. Lemeyan em i slip wantaim ol. Orait long neks de olgeta man i kirap long moningtaim na ol lain stap. Orait ol lain man bilong mekim pati i lainim planti pik tu, na olgeta ol lain man bilong narapela ples ol i kam lukim pati long en, ol i lukluk i stap.

Na ol man bilong mekim long en ol skelim tu, tu pik long wan wan man bilong ol narapela ples. Ol i kam lukim pati long en, orait ol i mekim olsem pinis orait olgeta ol bikpela pik long en olgeta ol kilim. Olsem nau Lemeyan, em katim wanpela pik i stap. Na wanpela pisin i kam na sindaun antap long lek bilong en, na Lemeyan i guria liklik na em i lukim olsem pisin ya i gat wanpela hap purpur wantaim lip bilong kaukau i gat wara long en. Em lukim na Lemeyan em pilim pinis olsem, wara i kam na pulap pinis na daunim haus na gaden bilong en. Orait em kirap tokim olgeta man, “Wara i bagarapim gaden na haus na ples bilong mi bagarap pinis na mi i go nau na yupela i stap.” Orait em kirap kisim bilum bilong en na em krait na kirap i go. Em ran tasol i kam na em i kam i stap long wanpela maunten na em lukluk i go na em lukim ples bilong en i wait na blu na pret olgeta. Orait em hariap tasol em i go na em holim wanpela stik kanda bilong en i kam. Em i kam i kam na kamap long wara pulap i stap long en. Orait em paitim wara long stik kanda

bilong en, orait wara i go i go nabaut nabaut. Em mekim olsem na em i kam i kam na em kamap long haus bilong en. Na em lukim meri bilong en Lakeyam wanpela pik bilong en i no stap. Orait em i go antap long ples we em i save kisim wara long en. Na em i lukim tupela i stap antap tru long maunten na lukluk i kamdaun.


Orait em i go antap na tokim Lakeyam. “Olsem wanem na wara i bagarapim ples?” Lakeyam i tokim em na tok, “Mi painim wara na mi bihainim rot we yu save i kam pulimapim wara long en. Orait, mi i kam na mi redi long pulimapim wara na mi pulim stik yu save pasim long en, na mi pulimapim pinis na mi pasim gen ya, nogat. Wara sut olgeta na strong moa na mi lusim. Em nau wara i ran i go na ples i kamap wara tasol.”

Orait nau Lemeyan i kros nogut tru na em tokim Lakeyam na tok, “Yu wantaim pik yutupela i ken sindaun i stap long maunten, na mi i go daun na stretim wara gen na mi kolim nem bilong ol wara na bihainim bai olgeta bai save long nem bilong ol wara.”

Em na em kolim nem bilong ol wara long en, nem bilong tupela wara em Kaiya na narapela em Komaiya. Em dispela tupela wara em i kam long dispela ples Tipinini na em i kam yet. Na dispela wara Lakeyam hapim long en tu em i kam autsait long ston na meri Lakeyam wantaim pik tupela i stap arere long Ston maunten.

Joe Nandawa
Enga

Ansa bilong Wod Pilai isu 2223



PAINIM WOD PILAI

Ol wod lista:

LATA
BIPOTAIM
KATU
PANISIM
RERE
URUAI
WANEM

PRETIM
NABIS
KAIKAIM
BIHAIN
HIPIM
KUKURAI
MILIS

SISTA
TOKSAVE
BUKOL
PISPIS
SWETIM
TEKIMAUT
WOKURAI

FOM
HANKISIP
ATAP
DAUN
KALOP

C T G E L T P E C E E I E E T R T R I U E T B S A
E E R U V T X K E X T Y M I L I S N B S A B N A T
O W E Y W R I H A B I H A I N A B I S R J C S R S
F E X T M O S G I T G R H I P I M F J P K A Q S C
O R O E T X P M W K U K U R A I L O T F I E A V N
T B G C V O A R U K X P H M S T T P M F O B V E T
U R E P E B Y T O R A A A I D U N I N S C A Y L T
O A E R C X B W A T U I N O A G A S T I B Z M C O
T E X N Z K A L O P O A K M O T E P E S E E A E C
A O U E X D C R P Y P K I A O E R I D T N W C F K
O A A R F H V P O L T K S P I E P S W A H S E R O
D R J R T I A R E R E V I A J M E V W S T C C E H
O L T D O T L K F T A B P E V D U F I E A T J Q O
T T L V S W R V J R E U R X N E M U D J T I O Q Q
Y I R G R T T I P Y H K E C T G E J L A Q I R T V
I S M R K L L R E F L O T I F O N S S A K H M S R
T A G N R T W R I V S L I H U S D Z C G E A T N U
B K E S E R F O M B V A M O O J V R A N F S S E L
Z O D Y W I O O U E V T S L T D P S T R Z D E S R
L E F E D O B A U N I A C V V I G S E E X A T O D



TOK PISIN NEWS

from Radio Australia

radioaustralia.net.au

Harim TOK PISIN long

Radio Australia

101.9FM

Port Moresby

Tok Pisin Service

6am - 7am 6080; 7240(KHZ)

7pm - 9pm 5995; 6020; 9710; 1280(KHZ)

Wanem as tru bilong ol hevi long Manus?



Imigresen Minista bilong Australia, Peter Dutton.

Caroline Tiriman i raitim

MEMBA bilong Manus, Ronny Knight i laik long Minista bilong Imigresen bilong Australia, Peter Dutton i mas go long Manus provins na painimaut gut long as tru bilong pait namel long ol refuji na ol Difens Fos soldia tupela wik i go pinis.

Mista Knight i laik Mista Dutton i go toktok wantaim ol lida, polis na Difens Fos bilong kisim trupela stori long wanem samting i bin kirapim dispela hevi.

Em i mekim dispela toktok

bihain long Mista Dutton i wok long strongim toktok olsem dispela pait i bin kamap bihain long ol refuji na asailum sika i bin kisim wanpela liklik mangi krismas bilong en i 5pela yia i go insait long senta na traim mekim pasin nogut long em.

Tasol ol polis na lida bilong Manus i tok dispela toktok i no tru, pikinini ya i bin gat 10-pela krismas na ol refuji i bin givim em sampela prut na kaikai na em i bin go bek long papamama bilong em na no gat wanpela samting nogut i bin kamap long em.

Sekyuriti bilong wokim bisnis long Saut Bogenvil i orait



Memba bilong Saut Bogenvil Timothy Masiu i givim tupela trak bilong Buin Polis.

Sam Seke i raitim

MEMBA bilong Saut Bogenvil long Palamen, Timothy Masiu i tokim ol bisnis lain long Saut Bogenvil olsem sekyuriti bilong ol i orait nau.

Mista Masiu i tok pastaim long em i kamap memba, Saut Bogenvil i gat nem nogut long planti kain kain hevi i save kamap long lo na oda.

Tasol Mista Masiu i tok sekyuriti long Saut Bogenvil em i orait nau.

Mista Masiu i tok em i lukim olsem wanpela bikpela hevi long Saut Bogenvil nau em i no gat wok, olsem na em i invaitim ol kampani long go invest long rijon na givim wok long ol yangpela pipel.

Em i tok hevi long Buin taun yet long ol sevis olsem iletrik pawa, wara saplai na internet sevis long helpim gut ol bisnis.

Mista Masiu i tok em i go het yet long toktok wantaim nesenel gavman na ABG long dispela samting.

Anjo i laik gohet long stopim korapsen insait long palamen



Sampela long 3000 pipel bilong Marawaka long EHP husat i stap long NCD.

Sam Seke i raitim

LIDA bilong PNG Pipels Pawa Muvmen, Noel Anjo i tok em bai gohet wantaim ol ektiviti long pait egensim korapsen sapos em i win long ileksen na go insait long palamen.

Mista Anjo i joinim Pangu Pati na bai em i resis long kamap gavana bilong Nesenel Kapitel Distrik.

Em i tok long 16 yia em i bin wok long ausait na nau

em i laik go stap insait long palamen na long wok egen-sim planti kain kain pasin bilong korapsen i wok long kamap long kantri.

Mista Anjo i tok tu olsem, developmen i kamap long Pot Mosbi em i kam long LNG projek long hailans, na mani we gavman igivim long hostim ol bikpela iven.

Em i tok i no gavana nau, Powes Parkop yet i kamapim ol dispela samting.

Westen Primia i tok NZ mani bai helpim Munda ples balus

Sam Seke i raitim

PRIMIA bilong Westen Provins long Solomon Ailan, Wyne Maepioh, i mekim strongpela toktok egensim wanpela risetsa bilong Australian National University husat i tok Nu Silan i westim aid mani long apgredim Munda ples balus long Westen Provins. Kost bilong dispela projek em inap long \$20 milien.

Mista Maepioh i tok olgeta toktok bilong Terence Wood i soim olsem em i no save long ol nid na olgeta salens bilong developmen long olgeta Pasifik Ailan kantri.

PNG i makim Anzac De

EPRIL 25 i bin makim 102 anivesari bilong ol soldia bilong Australia na Nu Silan i bin kamap long Gallipoli long Turkey long pait long Namba Wan Wol Woa na planti kantri long Pasifik i makim tu dispela de.

Dispela yia i makim tu 75 yia bihain long Namba Tu Wol Woa long western Pasifik. Ol dispela kantri we i bin lukim bikpela pait em Papua Niugini, long ol ples olsem Kokoda Track, Milen Be na tu long Niugini Ailan rijon.

Long makim dispela taim, lida bilong Oposisen long Australia, Bill Shorten wantaim Gavana Jeneral Sir Peter

Mista Maepioh i tok dispela apgreding bilong Munda Airport em i projek we Nu Silan i wok long en nau na em i impoten long turis bisnis na ol arapela developmen long hap bilong Weten Provins na Solomon Ailan tu.

Em i tok tu olsem long apgredim Munda olsem namba tu intenesenel ples balus long Solomon Ailan em impoten long taim bilong intenesenel imejensi.

Primia Maepioh i toktok tu long stori bilong Munda Airport long taim bilong Namba tu Wol Woa we ol ami bilong Nu Silan i bin stap long Munda.

Cosgrove i bin go stap long Pot Mosbi long wanpela seremoni long bik moning long Bomana Woa Semeteri.

Wanpela long ol ples we i bin lukim planti bikpela pait long Namba wan Wol Woa na Namba tu Wol Woa em Rabaul long Is Nu Briten provins. Ol stori i tok, namba wan man bilong Australia i bin dai long Wol Woa 1 long Rabaul.

Susie Mcgrade husat i go pas long Rabaul Historical Society i tok ol i bin holim wanpela gutpela seremoni tru long makim ANZAC de long Rabaul yet, na tu long Bitapaka Woa matmat.

Australia i no soim rispek long ol PNG na Pasifik nius ripota

Caroline Tiriman i raitim

WANPELA akademik long Pasifik i tok Australia i mas soim gutpela wok bilong demokrasi long ol midia long Pasifik rijon na no ken toktok long midia fridom sapos em yet i no bihainim ol dispela lo bilong en.

Dr Tess Newton Cain, wanpela risets asosiet long Development Policy Centre long Crawford School, wantaim Australian National University i mekim dispela toktok bihain long Australia Hai Komisn long Pot Mosb, i bin stopim ol PNG nius ripota long go long pres konprens bilong Praisim Minista Malcolm Turnbull taim em i bin

go long PNG long mun Epril.

Ol ripot i tok olsem Australia i bin larim tasol ol nius lain bilong Australia i go long pres konprens bilong Mista Turnbull na ol i no bin larim ol PNG jenelis long stap long dispela miting.

Dr Cain i tok ol wokbung namel long Australia na PNG i bungim sampela hevi long dispela taim na bai i gutpela sapos Australia i bin soim gutpela rot long strongim ol wokbung wantaim PNG.

Em i tok tu olsem Australia i bin mekim wankain pasin long ol jenelis bilong Vanuatu taim Foren Minista Julie Bishop na sampela narapela minista i bin go long Vanuatu long las yia.

Yunivesiti bilong PNG i stap orait

Caroline Tiriman i raitim

EKTING Sansela bilong Yunivesiti bilong Papua Niugini Dr Nicholas Mann i tok trabel wantaim ol sumatin long 2016 nau i samting bilong bipo na ol sumatin i stap isi na ol i laik skul gut.

Ol sumatin i bin statim ol protes na ol sumatin bilong ol narapela yunivesiti long kantri tu i bin bihainim ol na askim strong long Praisim Minista Peter O'Neill long lusim wok bihain long ol tokwin bilong korapsen.

Ronny Knight i amamas long disisen bilong sief jastis

Sam Seke i raitim

MEMBA bilong Manus Open, Ronny Knight i tok em i amamas tru long disisen bilong Sief Jastis, Sir Salamo Injia long larim em i ran long 2017 nesenel ileksen.

Ruling bilong Sir Salamo las wik i stopim disisen bilong Lidasip Traibunal long Mas 2015. Dispela Traibunal i bin painim olsem Knight i no yusim gut sampela mani bilong baim wanpela bot, na i bin rausim em olsem memba bilong Manus.

Long taim Mista Knight i apil egensim disisen bilong Lidasip Traibunal long Epril 2015, Jastis Colin Makail bilong Nesenel Kot i bin rausim dispela apil bilong em.

Tasol Sief Jastis i tok ol alegenegensim Mista Knight i no stret na em yet i no benefit long ol mani bi-

Dispela protes i bin katim sot yia bilong skul bilong ol sumatin bilong PNG yet, na tu ol sumatin bilong Solomon Ailan na Vanuatu husat i bin skul long PNG.

Skul yia i bin stat gen long mun Septemba 2016 na pinis long mun Mas, na ol sumatin bai greduet long mun Julai, tasol yunivesiti bai sasim ol graduet K600 bipo long ol i greduet.

Ol sumatin i tok ol i no wanbel long wanem dispela mani i bikpela tumas.

long dispela bot olsem ol i bin sutim tok long en.

Mista Knight i tokim ABC Nius long em i go nominate na taim em i win gen long ileksen, bai em i wok strong long stretim ol korap pasin bilong arapela pipel long gavman long Manus.

Long wankain taim, em i tokim Imigresen Minista bilong Australia, Peter Dutton long no ken toktok tumas long ol samting long PNG we em i no save wanpela samting long en. Mista Knight i tok olsem bihain long Minista Dutton i tokim ABC long tok sori long pasin mipela i kisim toktok long Mista Knight we Mista Dutton i tok em i no memba tru bilong palamen.

Mista Knight i tok ABC i bin mekim stret ripot na em i no nid long mekim wanpela tok sori.

ANZ lonsim nupela sip kad

AUSTRALIA Nu Silan long las wik i lonsim nupela sip kredit kad long ol kastoma bilong em long Papua Niugini.

Dispela nupela sip kredit kad i stap nau long ANZ Visa Klasik na Visa Gol kad.

“ANZ i namba wan benk long Papua Niugini long kamapim sip kad sistem na mipela i redi long skruim wok long kamapim gut displea prodak.

“Kamap bilong kain sistem i mekim benking sistem bilong ol ANZ kastoma i wankain long long ol arapela kastoma long kantri,” Mark Baker, ANZ PNG Sif Ekseyutive Opisa i tok.

Em i tok kredi kad wantaim sekyuriti sip i isi na i kamapim i stap long mak we narapela man i ken kisim ol toktok na painaut long wankain man.

“Sip teknoloji nau i kamap global standet bilong kad sekyuriti,” Baker i tok.

“Long Australia na Nu Silan, Yurop na Esia, kain sistem i bikipela long dispela ol had na planti manmeri i painim aut olsem em i gutpela na i banisim gut samting bilong man”

Baker i tok ol kastom i mas was gut long benking



Mark Baker (lep han), ANZ PNG Sif Ekseyutive Opisa wantaim Ledi Winifred Kamit, siameri bilong ANZ PNG i lonsim kreditkad. Foto: Paul Zuvani

wok bilong ol olsem akaun namba na benk kad.

“Plis lukautim na haitim gut pin namba bilong benk kad bilong yupela, na senisim ol pin namba long wan wan taim na sapos yu laik yusim intanet long baim ol samting, lukim olsem man o meri i salim samting i stretpela na i tru.

Ol ANZ PNG kastoma i mas senisim kredit kad bilong ol wantaim nupela sip kad taim ol i kisim nupela kad bihain long taim bilong kad bilong ol i pinis o long taim ol i opim nupela kredit

kad akaun.

Ol kastoma i ken askim long apgredim ol sip-enebel kad taim ol i go long wankain klostu ANZ brens o i ken ringim ANZ Kad Help Desk long hotlain telepon namba 180 1022 long kisim moa tok save.

ANZ i namba wan benk long lonsim sip-enebel Visa Debit Kad long Papua Niugini las, we dispela i givim ol kastoma gutpela, seif na we banis sistem i strong na dispela em ol gutpela sistem ol nesenel na intanesenel kastoma i ken kisim helpim long em.

Hornibrook MD: Wok manmeri painim gutpela haus

OL wok manmeri long kantri i wok long painim ol gutpela haus, Matthew Lewis, men- esing dairekta bilong Hornibrook NGI i tok.

Em i tok long wok bilong ol em i lukim stil febrikesen na ol kampani i mekim haus i wok long odarim planti ol samting long Hornibrook.

“Long PNG, midel klas i wok long kamap tasol no gat kain haus is tap bilong helpim ol,” Lewis i tok.

“Ol haus we ol i rent long em i kos moa na i no ol gutpela standet bilong stap.”

(Midel klas i min long ol lain manmeri husat i wok olsem ol dokta, loaia, akaun- ten, enjinia, ol tisa na planti ol arapela lain husat i gat gutpela save, holim gutpela wok na gutpela pe.)

“Mi ting moa ol oganaise- sen i mas mekim samting long kamapim senis, mipela i gat wok long developim gut kantri bilong mipela.

“Tingting bilong mipela nau em long kamapim moa gutpela haus long ol manmeri long baim o yusim na rentim. “I gat bikipela laik long

kamapim ol haus we i isi long stretim, i gutpela haus na i gutpela long ol kain manmeri inap long baim o yusim na rentim.

“Dispela em kain haus mipela i tingting long mekim long narapela yia na ol yia i kam.”

Lewis i tok sapos kampani inap long saplain gutpela ol haus long prais i isi long baim, dispela bai lukim kastoma na kampani i win wantaim.

“Mipela i mekim wok na kisim mani, kastoma i kisim gutpela haus long gutpela prais.”

Em i tok kain luksave i kamap pinis wantaim Newcrest na Harmony Gold long wok bilong tupela long Hidden Valley and Wafi Golpu Main long Wau, Morobe provins.

“Wantaim Hidden Valley, dispela i bikipela samting long Newcrest na Harmony Gold. “Harmony i wok long lukluk long yusim mani long wea ol i ken kisim gut kaikai long em na mipela i sapotim ol long dispela tingting,” Lewis i tok.

Em i tok bikos long hevi bilong mani long kantri, em i no isi long ol kampani i winim ol kontrak na olsem ol i resis long winim kontrak.

Long abrusim dispela hevi, Lewis i tok ol i wok long lukluk long winim ol kontrak we Australia gav- man i sponsaim.

Narapela samting em i tok kampani i lukluk em long putim laik bilong ol kastoma, manmeri i go pas.

Kampani i soim dispela tingting long trening pro- gram em i gat long em.

Em i tok long lukim ol wok manmeri i stap long taim long kampani, ol i traime long lukautim ol gut na givim ol trening.

“Mipela i no long taim kisim Nesenel Aprentis na Tred Testing Bod (NATTB) setifiket long trenim ol opisa na ol arapela manmeri tu,” Lewis i tok long taim ol i mekim wankain trening haus.

Long dispela taim kampani i save mekim ol stil febrikesen, trenspot haia, bris konstraksen, leba haia na Crossroads hotel long Lae.

PNG/Australia kibung bai toktok long infrastraksa



Greg Bremble bilong PNG Risoses magejin i soim ol buk bilong em i tokaut long ol projek i stap long Papua Niugini long pastaim PNG, Australia bisnis kibung long Brisben, Australia.

PAPUA Niugini Australia bisnis kibung we bai kamap long Sidni, Australia bihain long dispela yia bai mekim planti toktok long kamapim ol wok olsem rot na haus.

Dispela tok i kam long PNG Bisnis Edventis, pepa we i save raitim ripot bilong wok bilong bisnis long kantri, long taim em i tokaut long wok bilong kamapim dispela kibung.

Em i tok kibung bai kamap long Shangri-La Hotel, Sidni long 7 i go 8 Septemba.

Kibung bai promotim ol bikipela wok bisnis nau i wok long kamap long tupela kantri.

PNG i hop long yusim dispela kibung long promotim ol wok bisnis bilong em olsem infrastraksa, ol konstraksen, sevis, egribisnis na maining na petroleum.

Bikipela lukluk bilong em bai stap long ol bisnis na invesmen wok.

“Ol manmeri bilong narapela kantri olsem Australia na Nu Silan bai toktok wantaim ol investa na bisnis manmeri bilong mipela long

planti ol ikonimik wok i kamap long kantri,’ Andrew Wilkins, pablisng dairekta bilong Bisnis Edvantes Intanesenel (BAI) i tok

“Em sans long mipela i bungim planti tausen bisnis manmeri, long PNG, Australia na ol arapela kantri long rijon.”

Wilkins i tok BAI i bin mekim planti bisnis promosen long PNG na Pasifik stat long 2005 i kam.

Las bikipela bisnis kibung bilong en i bin kamap long 2015.

Long wankain taim ol oganaisa i kisim skul tok long ol arapela grup olsem IFC, (wankain bisnis han bilong Wol Benk), Asian Development Bank (wankain bikipela investa long kantri) na Papua Niugini Semba ov Komes na indastri na ol arapela indastri.

Ol oganaisa i tok ol i bilip moa long 600 manmeri bai kamap long dispela kibung.

Ol i tok Sidni i gutpela ples bilong holim kain kibung bikos i gat olsem 500 kam-

pani i stap long Sidni.

Ol oganaisa i tok wankain bikipela tok long dispela kibung em rot PNG i mas kisim long pas wantaim wok bilong ol arapela kantri long wol.

Ges spika Mark Pesce bai tokaut long sans bilong mekim bisnis long Papua Niugini.

Long wankain taim Kumul Telikom siaman Mahesh Patel i tok ol manmeri i ken go long ol PNG kampani olsem Telcos long save moa long wok bisnis insait long kantri.

Namel long ol kampani, sampela bikipela kampani we bai tokaut na soim wok bilong ol em Ok Tedi Main, Oil Search, Horizon Oil, Kina Benk, Air Niugini, SP Brewery na PNG Tek Entraprenur.

Christopher Hawkins tu bai kamap na tokaut long wok redi bilong kamap bilong Apec kibung long PNG long 2018.

Ol oganaisa i tokim ol kampani long givim nem bilong ol bai ol i ken gat ples bilong soim wok bilong ol.

NSCL tokaut long K4m win mani

BOD bilong NASFUND Kontribiuta Sevis na Lon Sosaiti Limited (NSCL) i tokaut long K4 milien win mani bilong fan long dispela wik.

Bod siaman Ian Tarutia i tok maski i bin gat hevi bilong mani long 2016, fan i bin inap long kamapim intres mak long 2.7 pesen. Dispela i win fan i bin inap long kamapim K3.132 milien long ol memba bilong em.

Em i tok bikos long dispela NSCL bai baim ol memba long 3.9 pesen intres na dispela i olsem K4.5 milien.

Em i tok Bod i bin save olsem dispela win mani bai daunbilo bikos long ol i mas bungim askim bilong mak bilong dinau Sentral Benk i bin askim long apim i go antap long K1.5 milien.

Tarutia i tok bikos long dispela intres reit ol i kisim long las yia i kamap long 3.9 pesen na dispela i daunbilo long 5.2 pesen fan i kisim long 2015.

Em i tok intres peimen bai go long akaun

bilong ol memba bipo long taim bilong opis i pas long asde.

“Bod i amamas long dispela mak long 2016. Mipela i luksave long as bilong gro bilong dispela win mani na dispela em bikos long gutpela menesmen,” em i tok.

Dispela em ol hap fan i kamapim mani long em:

- Total aset em K145 milien (inkris o gro long 11.9 pesen)
- Prosesim K58 milien dinau
- Dinau pofolio (K50m)
- Jeneral risev (K12m);
- Net inkam long ol memba (K5.4m)
- Gro bilong sevis bilong ol memba (K127m)
- Witdro peimen i go long ol memba (K64.5m);
- Gro bilong ol membasip i kamap long 83,715 (9.6 pesen gro).

NAQIA kukim kava bilong Fiji

Frieda Sila Kana i raitim

NESENEL Kwarentin Inspeksen Atoriti (NAQIA) long Pot Mosbi i bin kukim 11-pela bokis wantaim 170 kilogram kava, em wanpela strongpela tumbuna dring bilong ol Fiji las wik Fonde, bikos ol lain husat i kisim i kam i bin brukim lo bilong NAQIA.

Ol plent inspeksen opisa bilong NAQIA i bin holim pasim ol dispela kago taim ol i bin kam insait long Air Niugini kago tupela wik i go pinis bikos ol i lukim olsem 11-pela bokis i gat 170 kilogram kava em i bikipela tumas.

Hevi bilong ol i winim mak bilong wanpela kilogram (1kg) we ol i save larim wanwan man karim i kam bilong ol yet i dring long haus.

NAQIA Rijonal Plen Proteksen opisa bilong Sauten Rijon, Marilyn Apa i tok dispela bikipela hevi bilong kava em i brukim lo bilong ol long impot pemit bilong kava. Em i tok wanpela tekstail kampani i bin oda long dispela samting tasol ol i no bin kisim tok orait bilong NAQIA pastaim.

“Long 12 Epril taim wanpela balus kago i kam insait long Air Niugini kago ol wokman bilong mipela i lukim na ol i toksave long mipela na



Balanama Asigau (hansut) Plent Helt Opisa wantaim Joe Uari wanpela sapot staf bilong NAQIA i helpim long kukim ol Fiji kava long NAQIA Plent inspeksen ples long Sabama, Pot Mosbi. Poto: Frieda Sila Kana.

mipela i holim ol dispela samting. Mipela i tok save pinis long dispela kampani na ol bos bilong mipela i toktok wantaim ol pinis long givim mekim save,” Mis Apa i tok.

Mis Apa i tok ol NAQIA i save lukaut tru long ol samting olsem hap plent i kam insait long kantri bilong wanem ol i laik stopim ol sik bilong ol plent.

Sif Eksekutiv Opisa bilong NAQIA i givim oda long kukim ol dispela kava olsem na ol opisa i kukim long ai bilong ol midia na ol narapela opisa bilong NAQIA yet long las wik Fonde.



Marilyn Apa – Rijonal Plent Proteksen Opisa bilong Sauten Rijon. Poto: Frieda Sila Kana.

Kakao Ekspot bilong Bogenvil i kamap bikipela

OL fama bilong Atonomas Rijon bilong Bogenvil olsem Ishamel Toroama na Donatus Pan-Ula nau i kisim gutpela helpim bilong i stap longpela taim i kam long Papua Niugini, Bogenvil, Australia na Nu Silan patinasip long groim ikononi bilong Bogenvil.

Sikistin komyuniti grup i makim moa long 800 kakao fama i kisim ol grent mani long mak bilong K6 milien long helpim ol kamapim moa kwaliti kakao na konek i go long ol ekspot maket.

Dispela helpim em i wanpela prairiti bilong Papua Niugini na Atonomas Bogenvil Gavman na i makim wanpela ki plent bilong Australia na Nu Silan ikononi developmen asistens i go long rijon.

Bogenvil Minista bilong Praimeri Industri, Marin Risos na Forestri, Nicholas Darku, i tok ol grent mani bai helpim ol fama long

yusim gut graun bilong ol.

“God i blesim Bogenvil wantaim gutpela gris graun bilong wokim egrikalsa na histori bilong kamapim ol premium kwaliti ogenik kakao na kopra,” Minista Darku i tok.

“Yumi mas yusim graun bilong yumi long kamapim mani bilong go long poket bilong ol pipel na bilong gavman sevis kamap.” Em i tok. “Dispela program bai sapotim ol fama long groim prodaksen bilong ol, na tu long kamapim kwaliti ekspot maket,” em i tok.

“Mipela gat sampela lain long ovasis i laikim kakao bilong mipela. Namba wan ekspot 20 konena bai go aut long mun Me,” em i tok.

Dairekta bilong Nesenel Kodineta Opis bilong Bogenvil Afeas, John Avira, i tok amamas long ol fama grup long kwaliti bilong grent aplikesen na tokaut long ol nesenel memba i

stap redi long sapotim kakao.

“Yumi mas yusim ol dispela mani long givim wok long ol yangpela pipel bilong yumi. I no wanpela wok marimari nating, em bilong givim han long sapotim ol nupela tingting na hatwok,” Mista Avira i tok.

James Tauriko, lida bilong Lowa Telings Fama Grup i tok em i amamas long wok klostu wantaim ol fama na ol saveman bilong ABG na CSF. Em i tok ol fama bai inap long kisim helpim longpela taim.

Lida bilong Takana Projek long Panguna, Donatus Pan-Ula, i tok em i bin kisim strongpela sapot i kam long komyuniti bilong em long stretim ol olupela kakao plantesin.

Long wankain taim lida bilong Amataa Sastenebel Kakao Projek, Ishmael Toroama, i wok long stretim kakao prodaksen long hap

Faundesen lonsim Westen Yut plen



Graham Fredrick (lep han) Midel Flai yut mausman i givim pepa bilong 5-ya CMCA yut plen i go long NYDA Deputy Dairekta Jeneral Kia Dama. Poto: OTDF midia

OK Tedi Developmen Faundes (OTDF) i lonsim 5-ya eksen plen bilong 6-pela main ples na 8-pela Komyuniti Main Kontinuesen Agrimen (CMCA) Tras rijon long Not Flai, Western provins long las wik.

Lonsim i bin kamap long Matkomnai ples we klostu 1500 yangpela, i bin kamap na witnesim.

Eric Kuman, OTDF Program Sevises Menesa long Sastenebel Developmen divisen i tok Yut Eksen Plen bilong 2017 i go long 2021 i toktok planti long strongim ol yangpela long pasin bilong sosel hevi, ikononi na teknolojikal wok long lukim gutpela sindaun bilong ol manmeri long nau na bihain taim.

Dispela long lukim ol i pas tu long wok bilong main na i lukim no gat rot na i stap na lukluk tasol.

Em i tok moa olsem Yut Eksen Plen i lukluk moa long ol yangpela husat i stap

klostu long Ok Tedi Main na ol hap we wok bilong main i stap long em.

OTDF i lukluk long kamapim ol projek olsem planim rais long wok bilong didiman o egrikalsa na raba na igelwud (agro-forestri).

“Mipela laik givim ol hop we ol i ken mekim wok na inap long sapotim ol yet maski wok bilong main i pinis,” Kuman i tok.

“Dispela plen i stap long pepa long ol i ken bihainim na kamapim wok.”

Aninit long OTDF CMCA Yut Developmen Program, kamap bilong plen i bilong helpim ol long mekim ol wok na long wankain taim i bilong ol yangpela long wok arere long OTDF Stratejik Daireksen 2016 i go long 2020 na Nesene Yut polisi.

“Tru tru wok developmen i no min long wanpela i kamapim mani na i gat mani tasol olsem wanpela i save

em i gat velu na i amamas long laip em i gat long em.”

Kuman i tok tenkyu long Nesenel Yut Developmen Atoriti Dairekta (NYDA) Jeneral Norit Luoi, deputi dairekta Kia Dama, yut kodineta (egrikalsa) Koilap Kombe long polisi na gutpela wok bilong ol long sapotim OTDF.

Dama i amamas na tok tenkyu long OTDF long kamap wantaim plen.

“NYDA bai yusim dispela model long wok wantaim ol divelopa bilong ol arapela projek,” em i tok.

Em i strongim tingting bilong ol yangpela long go pas na soim rot bilong wok wantaim main na long kamapim ol wok long strongim ol yet.

Katolik Yut Kodineta bilong Daru-Kiunga, Peter Saleun i makim ol yangpela na ol sios long tok tenkyu long OTDF na NYDA na lida bilong ol yut long wok bilong ol.

bilong em long kamapim rot bilong emploimen na lainim ol yut long velu bilong mani.

“Mi lukim Bogenvil olsem wanpela ples bilong mekim soklet long bihain taim na

mi hop wanpela de bai mi lukim wanpela Amataa sokolet ba long supamakot,” Mista Toroama i tok.

Australian Hai Komisin Seken Seketeri James Mar-

shall, i bin go lukluk raun long Amataa na Panguna long lukim wok bilong ol dispela grent na em tu i bilip olsem wanpela de Bogenvil bai gat soklet bilong em yet.



CSF egrikalsa saveman, David Anderson (lephan) na AHC Seken Seketeri James Marshall (raithan) i stap long Amataa Sastenebel Kakao Projek, klostu long Aropa ples balus, Bogenvil. Poto: AHC

2017 NRL Dro bilong raun namba 10

Det	Hom	Awe	Pilai Graun	TV	Taim
Fonde, Me 11			ANZ Stediam	Nine, Fox	7:50 pm
Fraide, Me 12			Jubilee Oval	Fox	6:00 pm
Fraide, Me 12			ANZ Stediam	Nine, Fox	7:50 pm
Sarere, Me 13			Pepper Stediam	Fox	3:00 pm
Sarere, Me 13			Suncorp Stediam	Fox	5:30 pm
Sarere, Me 13			Suncorp Stediam	Fox	7:50 pm
Sande, Me 14			McDonald Jones Stediam	Fox	2:00 pm
Sande, Me 14			Allianz Stediam	Nine, Fox	4:00 pm

2017 NRL Risal bilong raun namba 9

Det	Hom	Awe	Pilai Graun	TV	Taim
Fonde, Epril 27			Suncorp Stediam	Nine, Fox	7:50 pm
Fraide, Epril 28			Allianz Stediam	Fox	6:00 pm
Fraide, Epril 28			1300Smiles Stediam	Nine, Fox	7:50 pm
Sarere, Epril 29			CBus Super Stediam	Fox	3:00 pm
Sarere, Epril 29			ANZ Stediam	Fox	5:30 pm
Sarere, Epril 29			Leichhardt Oval	Fox	7:30 pm
Sande, Epril 30			Mt Smart Stediam	Fox	2:00 pm
Sande, Epril 30			WIN Stediam	Nine, Fox	4:00 pm

2017 NRL Lata | TELSTRA PREMIASIP

Pos-sen	Tim	P	W	L	D	B	F	A	+/-	Pts
1		9	8	1	0	0	188	121	67	16
2		9	6	3	0	0	225	151	74	12
3		9	6	3	0	0	182	118	64	12
4		9	6	3	0	0	191	147	44	12
5		9	6	3	0	0	164	142	22	12
6		9	5	4	0	0	216	169	47	10
7		9	5	4	0	0	172	166	6	10
8		9	5	4	0	0	138	144	-6	10
9		9	5	4	0	0	169	190	-21	10
10		9	4	5	0	0	210	159	51	8
11		9	4	5	0	0	146	183	-37	8
12		9	3	6	0	0	210	226	-16	6
13		9	3	6	0	0	154	225	-71	6
14		9	3	6	0	0	144	226	-82	6
15		9	2	7	0	0	156	185	-92	4
16		9	1	8	0	0	130	243	-113	2

Elijah Taylor i joinimol Kiwis skwat

PILAIA bilong Melbourne Storm, Nelson Asofa-Solomona i kisim bagarap long han bilong em taim ol i bin pilai egensim ol St George Illawarra Dragons long las wik Sande.

Ol i makim Elijah Taylor long kisim ples bilong Asofa-Solomona long 20 man skwat bilong ol Nu Silan Kiwi long pilaia egensim ol Australia Kangaroo long Anzac traim pilai bai kamap long Canberra long tumora, Fraide nait. Ol skwat bilong Kiwi em:

- Adam Blair
- Jesse Bromwich
- Kenny Bromwich
- Kieran Foran
- David Fusitu'a
- Shaun Johnson
- Jordan Kahu
- Issac Luke
- Simon Mannering
- Kodi Nikorima
- Russell Packer
- Kevin Proctor
- Jordan Rapana
- Brandon Smith
- Jason Taumalolo
- Martin Taupau



Lok bilong Wests Tigers, Elijah Taylor.

- | | | | |
|----|---------------------|----|-------------------------|
| 17 | Elijah Taylor | 19 | Dallin Watene-Zelezniak |
| 18 | Roger Tuivasa-Sheck | 20 | Dean Whare |

Ol i makim tim bilong ol Junia Kangaroo

KOSA bilong ol Junia Kangaroo, Justin Holbrook, i tokaut long tim bilong em long pilai egensim ol Junia Kiwi long GIO Stediam tumora, Fraide Me 5.

Hobrook i tok olsem tim bilong em bai go het na winim ol Kiwi olsem ol i winim ol, 34-20, long las yia. Pilai bai kamap namel long ol



Hapbek bilong Melbourne Storm, Brodie Croft, bai kamap kepten bilong ol Junia Kangaroo.

Junia Kangaroo na Kiwi bai statim namba wan resis bilong ol tripela gem long Fraide long Canberra.

Ol skwat bilong ol Junia Kangaroo em:

- Corey Allan bilong ol Brisbane Broncos
- Tyronne Roberts-Davis bilong ol Gold Coast Titans
- Enari Tuala bilong ol North Queensland Cowboys
- Jesse Ramien bilong ol Cronulla Sharks
- Curtis Scott bilong ol Melbourne Storm
- Jai Field bilong ol St George Illawarra Dragons
- Brodie Croft (kepten) bilong ol Melbourne Storm
- Stefano Hala bilong ol Penrith Panthers
- Reece Robson bilong ol

St George Illawarra Dragons

- Blake Lawrie bilong ol St George Illawarra Dragons
- Jaydn Su'A bilong ol Brisbane Broncos
- Sam Stone bilong ol Newcastle Knights
- Cameron Murray bilong ol South Sydney Rabbitohs
- Victor Radley bilong ol Sydney Roosters
- Jack Murchie bilong ol Canberra Raiders
- Ray Stone bilong ol Parramatta Eels
- Emre Guler bilong ol Canberra Raiders
- Gehamat Shibasaki bilong ol Brisbane Broncos

Kosa, Justin Holbrook, em i asisten kosa bilong ol Sydney Roosters

Ol i tokaut long ol skwat bilong Country Origin

Ol i bin makim ol pilaia bilong VB Country Origin long pilai egensim ol ol KARI City Origin long Glen Willow Rijonal Spot Stediam, Mudgee long Sande, Me 7.

Ol 18 man skwat em:

- Michael Gordon bilong ol Tweed Coast / Sydney Roosters
- Anthony Don bilong ol Grafton Ghosts / Gold Coast Titans
- Euan Aitken bilong ol Merimbula Pambula Bulldogs / St George Illawarra Dragons
- Cheyse Blair bilong ol Bilambil Jets / Melbourne Storm
- Brian Kelly bilong ol Ballina Seagulls / Manly Warringah Sea Eagles
- Cody Walker bilong ol Casino Cougars / South Sydney Rabbitohs
- Tyrone Roberts bilong ol Ballina Seagulls / West Newcastle / Gold Coast Titans
- Dale Finucane bilong ol Bega Roosters / Melbourne Storm
- Damien Cook bilong ol Helensburgh Tigers / South Sydney Rabbitohs
- Paul Vaughan bilong ol Gungahlin Bulls / St George Illawarra Dragons
- Mitch Aubusson (kepten) bilong ol Ballina Seagulls / Sydney Roosters

- Kyle Turner bilong ol Coonabarabran Unicorns / South Sydney Rabbitohs
- Jack De Belin bilong ol Cootamundra Bulldogs / St George Illawarra Dragons
- Connor Watson bilong ol Kincumber Colts / Sydney Roosters
- Matt Prior bilong ol Thirroul Butchers / Cronulla Sharks

- Tariq Sims bilong Gerringong Lions / St George Illawarra Dragons
- Adam Elliott bilong ol Tathra Sea Eagles / Canterbury Bankstown Bulldogs
- Daniel Alvaro bilong ol Mittagong Lions / Parramatta Eels
- Craig Fitzgibbon bilong ol Dapto Canaries em i kosa bilong ol Country Origin.



Huka bilong Country Origin, Damien Cook, bipo long final gem egensim ol City Origin.



REL Wok Lain Kamapim Naispela Lukluk Long Glas haus



Baksait bilong Ramu NiCo Madang Bes ol i save kolim 'Glas Haus'.



Hotel eria long Madang Bes bilong Ramu NiCo.



Ol wok lain i redim ol skafolding long mekim wok long Madang Bes.

MENESMEN bilong Ramu NiCo Menesmen Ltd Kopret Opis i amamas tru long gutpela wok i kamap long stretim ol bilding long Madang Bes bilong kampani long Seksen 95 Lot 80.

Dispela wok em ol meintenens kru bilong Raibus Enjiniaring Limited (REL) i wokim, na em i kisim ol lokal yut long Madang long helpim. Na hanmak bilong ol dispela yangpela man i soim



Ol wokman bilong REL i yusim ol skafolding long wok antap na klinim na penim ol ruf bilong hotel.



Wanpela REL wokman klinim ol glas long haus kuk long Madang Bes.

stret olsem ol mekim gut wok na Ramu NiCo (MCC) Menesmen i amamas tru.

REL em wanpela han o subsidiari kampani bilong Raibus Limited, wanpela papagraun kampani insait long Ramu NiCo Projek. Dispela nem i karamapim tupela projek eria o distrik long Madang provins em long Raikos na Usino-Bundi distrik we bikpela wok opere-sen bilong Ramu NiCo (MCC) i stap long en.

Long stat bilong dispela yia i kam, REL i bin kisim sampela yangpela man long Madang taun na Yabob viles klostu long Madang taun long helpim long wokim ol meintenens wok long Ramu NiCo Operesen Bes long Seksen 95 Alotmen 80.

REL Meintenens supavaisa Paul Tropu, Jimmy Yaringu na ol olupela resa lain bilong wok bilong REL olsem tupela wali yet Jacob Uyam, Dimas Kiwar i givim stia long ol kesual bois long mekim stret wok.

Tru tumas, ol dispela yangpela bois i helpim gut stret REL long stretim na givim naispela kala bihain long wok meintenens i bin kamap. Ol bois i skrapim na rausim ol olupela peint, rausim ol ros ain, rausim das, wasim wol na bihainim pentim na putim nupela kala long wol bilong ol bilding insait long Madang Bes Seksen 95, Alotmen 80.

Tropu i tokaut olsem planti bilong ol dispela yut i gat teknikol skil long wok bikos ol i lainim pinis long skul pastaim. Olsem na taim ol supavaisa bilong REL i givim toktok tasol, ol bagaros i go het na mekim wok we i go wantaim tingt-

ing na laik na stail stret.


Jimmy Yaringu i tok REL i givim ol dispela kesual wok lain ol PPE (pesinol protektiv ikwipmen) long ol i ken mekim ol wok bilong ol bihainim sefti lo bilong wok long meintenens. Trutumas, taim olgeta i werim ol PPE na yunifom bilong REL ol kamap olsem ol trupela wokman stret na kala na stail bilong ol tu i go nais moa yet.

Ramu NiCo Menesmen (MCC) Kopret Opis, Deputi Jeneral Menesa, Charlie Hu i tok olsem dispela bikpela renovesen o meintenens wok long 'Glass Haus' bilong Ramu NiCo long Seksen 95 i kamap bihain long samting olsem 10-pela yia bihain long wok konstraksen i bin kamap.

Mista Hu i tok dispela wok ol lain bilong REL i wokim bai bringim kamap naispela na nupela kala na gutpela piksa gen long 'Glass Haus' em ol autsait lain husat i raun i go long hap bai lukim. Moa long en tu ol wokman bilong Ramu NiCo (MCC) bilong Saina na PNG bai amamas olsem ol i wok insait long gutpela stail bilding we i narakain na stail tru insait long Madang taun na Mo-mase rijon.

Bikpela samting tu dispela meintenens wok ol lain yut i helpim ol REL i givim ol sans long lainim sampela nupela tred skil long wok, na moa long en tu em i givim ol liklik mani long sapotim ol yet wantaim famili bilong ol.

Dispela wok bung namel long Ramu NiCo (MCC) na REL i strongim na promotim het-tok o pos bilong "Wanpela Ramu NiCo, Wanpela Komyuniti"



135 KM Slurry Pipeline

KBK Mining

BSK Refinery

Madang bai lukautim tripela NSL pilai long Sarere



Laiwaden oval long Madang taun bai pulap kapsait long dispela wik Sarere taim tripela NSL gem i kamap. Poto: James G. Kila

James G. Kila i raitim

LAIWADEN pilai graun long Madang taun long Sarere bai pulap tru wantaim ol soka sapota taim Nesenel Soka Lig (NSL) bai statim ol kompetisen pilai bilong en wantaim tripela gem olgeta.

Madang em ol lain tru bilong sapotim soka na dispela Sarere bai lukim Laiwaden pilai graun bai pulap stret bikos bai i gat ol sapota i kam long Lae na Mt Hagen tu long sapotim tim bilong ol. Tupela tim bilong Mosbi tu bai go pilai long Madang na em bai bringim moa manmeri na soka sapota i pulim lain i go long Laiwaden pilai graun.

Namba wan gem bai stat long 10 klok long moning we bai PNG Futbol Asosiesen developmen tim Besta PNG Yunaited i salensim Huawei PS Yunaited tim.

Namba tu gem bai stat long 12:30pm we bai Southern Strikers i salensim Buang FC bilong Mt Hagen. Dispela gem bai gat tupela nupela tim insait long NSL kompetisen i salens long soim stail bilong ol. Southern Strikers em tim bilong Mosbi siti na Buang FC em tim bilong ol lain Morobe i stap long Mt Hagen. Dispela Buang FC tim bilong Hagen i save kamapim ol gutpela soka pilaia long Hailens rijon.

Bikpela gem long 3 klok long apinun bai lukim PNG sempion klap bilong las yia, Lae City Dwellers i salensim Madang FC. Tupela tim ya i bin makim PNG long Osenia Sempions Lig resis, tasol i no go insait long fainal.

NSL Kompetisen Menesa, Simon Koima i tok NSL i wok hat stret nau long redim rot long olgeta tim i stap redi

long pilai long Sarere.

Koima i tokaut olsem NSL bai stretim transpot na balus tiket bilong ol tim long ples bilong ol i go long pilai long Madang. Tasol wan wan ol klap i mas baim transpot bilong ol yet long wanem ples ol i stap long en long Madang long go long pilai graun na go bek.

Em i tok tu olsem wan wan klap i mas baim ples slip bilong ol yet.

Ol frensais tim insait long NSL resis bilong dispela yia em Lae City Dwellers, Besta PNG United (Lae siti), PS Huawei FC, Southern Strikers (Mosbi), Madang FC (Madang) na Buang FC (Mt Hagen).

Koima i tokaut tu olsem total fi bilong wan wan klap i baim long pilai long NSL em K85,000. Long dispela K80,000 em rejistresin fi na K5,000 em nominesen fi.

Popoitai em i nupela NSL siaman



Nupela siaman bilong Nesenel Soka Lig, Benny Popoitai, i sanap long namel wantaim ol narapela bod memba.

NESENEL Soka Lig (NSL) i tokaut long ol i makim nupela bod memba bilong ol long lukautim welfe na edministretsen.

Ol i kamapim bod bilong NSL wantaim 4-pela nupela memba na 4-pela olupela memba. Na ol i makim deputi gavona bilong Benkov PNG, Benny Popoitai, olsem bod siaman na Sea-

mus Marten olsem Sif Eksektiv Opisa.

Ol narapela bod memba em Xavier Victor, Miok Komolong, Charlie Wanma, Dan Kakaraya, Ray Paul, Paul Komboi and John Wesley Gonjuan.

Popoitai i tok, ol nupela bod bilong NSL i lukluk long strongim ol pipel i save laikim futbol aninit long NSL resis

bilong olgeta lain i ken soim olsem ol i save laikim gem.

Dispela yia, 2017, i makim 12 yia bilong NSL na PNG i go het long mekim gut long Osenia futbol level aninit long ol i makim ol pilaia bilong NSL.

Popoitai i amamas na tok tenkyu tu long Seamus Marten i kamap CEO bilong NSL.

Laiwaden FC i lus 1-0 long Morobe Yunaited FC

James G. Kila i raitim

PLANTI ol soka sapota long Madang husat i go lukim pilai namel long Laiwaden FC na Welgris Morobe Yunaited FC bai tokaut stret olsem ol yangpela boi bilong Madang i pilai smat moa long ol boi Morobe na inap winim gem wantaim planti gol tasol i abrusim umben 7-pela taim olgeta.

Tupela tim i bin pilai long Nesenel Primia Lig Noten Koferens long Sarere long Laiwaden pilai graun long Madang.

Morobe Yunaited i bin laki tru long winim gem 1-0 bihain long golkipa na fulbek bilong Laiwaden FC i bamim ol yet na pundaun na dispela i givim sans long golmaus i op na pilaia bilong Morobe i skoim gol.

Laiwaden FC em planti ol pilaia em ol yut na yangpela boi husat i stap long junia sait bilong Madang na sampela i bin pilai long anda 17 na anda 23 tim makim PNG pastaim. Ol dispela pilaia i save ritim gem gut stret na ating sapos olgeta gol bilong

ol i go insait long Sarere em bai tokaut stret stail gem bilong ol dispela yangpela.

Ol strongpela sapota bilong soka husat i stap lukim pilai i tokaut olsem long fes hap na seken hap yet em ol yangpela pilaia bilong Laiwaden i kontrolim gem na winim moa bal na hamarim stret banis na eria bilong ol boi Morobe. Tasol gol tasol i no bin go insait long umben na Morobe i laki long winim gem 1-0.

Kosa bilong Laiwaden FC, Bob Morris i amamas long

gem bilong ol pilaia bilong em na i tokaut olsem ol i inap winim gem long planti gol stret, tasol bal i abrusim umben planti taim.

Morris i tok ol yangpela pilaia bilong em bai putim moa taim nau long trening.

Kosa bilong Welgris Morobe Yunaited na pastaim pawaful PNG straika long 1980s, Daino Sami i tokaut tu olsem Laiwaden tim i pilai moa smat tasol em i amamas olsem tim bilong em i banisim dispela gol bilong ol inap ful-taim.



Kosa bilong Welgris Morobe Yunaited FC na pastaim PNG soka straika long 80s, Daino Sami i toktok long tim long Madang. Poto: James G. Kila

Besta i kisim K100, 000 long sponsa



Sif eksektiv opisa bilong IFC, Rosedean Zailey Dzulkfli, i givim sek i go long Papua Niugini Futbol Asosiesen jeneral seketeri, Dimirit Mileng.

BESTA PNG United Futbol klap i kisim bikpela mani, K100, 000, long sponsa bilong ol, International Food Cooperation (IFC), na dispela i strongim ol long 2017 Nesenel Soka Lig sisen.

Sif eksektiv opisa bilong IFC, Rosedean Zailey Dzulkfli, i givim sek i go long Papua Niugini Futbol Asosiesen jeneral seketeri, Dimirit Mileng, na strongim PNGFA long ol i kamap wantaim dispela tingting na kamapim PNGFA Besta developmen program.

"Yupela olgeta i save olsem IFC em i bikpela sapota bilong futbol aninit long tim bilong em, Besta PNG United na i gat bikpela amamas long tok olsem kala bilong ol yang-

pela pilaia i kamap orait long ol yia i go," Rosedean i tok.

Rosedean i tok stret olsem IFC i save laikim soka na kampani bai go het long sapot long kamapim rot bilong ol pilaia.

"Ol yangpela lain bilong mipela bai kamap bikpela lain long bihain taim nan au ol i laikim sapot na ol skul toktok," Rosedean i tok.

Jenerel seketeri bilong PNGFA, Dimirit Mileng i tok olsem PNGFA Besta developmen program i mekim bikpela wok long soka long kantri. Na IFC i sponsa long Besta i kamapim plant soka pilaia nau ol i stap long mak bilong resis insait long kantri na ol narapela kantri tu.

Huntersi stap top long lata



Ol pilaia bilong Hunters i amamas bihain long ol i putim trai.

SP HUNTERS i stap namba wan ples long lata bilong In-tras Supa Kap resis.

Bihain long raun namba 9, Hunters i kisim 14 poin long 7-pela win na tupela lus. Kosa bilong Hunters, Michael Marum, i tok olsem win i kamap long las wiken, 26-10, egensim ol Northern Pride bikos tim i soim gutpela kala.

Ol Hunters bai stap sam-bai long dispela wiken. Ol bai pilai egensim ol Ipswich Jets long raun namba 11 long Me 20 long North Ipswich, Australia. Gem bai stat long 3.05 apinun. Ol tim husat i stap insait long top 6 em;

- 1 SP Hunters wantaim 14 poin,

- 2 Easts Tigers wantaim 13 poin,
- 3 Redcliffe Dolphins wantaim 12 poin,
- 4 Townsville Blackhawks wantaim 12 poin,
- 5 Sunshine Coast Falcons wantaim 11 poin na
- 6 Souths Logan Magpies wantaim 10 poin

Hunters daunim Pride



Willie Minoga i putim trai.

SENTA pilaia bilong ol Hunters, Willie Minoga, husat i kisim prais bilong resis i soim kala bilong em na helpim ol Hunters long win, 26-10, egensim ol Northern Pride long raun namba 9 resis i bin kamap long las wik Sarere apinun long Nesenel Futbol Stediam. Minoga i putim namba wan trai bilong em long namba tu minit bilong resis na kepten bilong ol Hunters,

Ase Boas, i isi tasol kikim konvesen i go insait. Boas i putim namba tu trai bilong ol Hunters long 12 minit we em i no kikim konvesen i go insait i lukim skoa i sanap olsem, 10-0. Ol Hunters i skruim skoa bilong ol i go antap 12-0 bihain long referi i givim wan-pela penelti egensim ol Pride na Boas i kikim konvesen i go insait. Ol Pride i traim hat na

putim namba wan trai bi-long ol, na i putim mak long skoa bot wantaim 6 poin. Tasol, Minoga i putim namba tu trai bilong em na skruim skoa bilong ol Hunters i go antap moa yet. Bihain, Minoga i kisim wan-pela strongpela takel na ol i rausim em long pilai graun. Ol Northern Pride i putim namba tu trai bilong ol bipo long Wartovo Pura i putim las trai bilong ol Hunters.

Griffin bai kepten bilong PNG LNG Kumuls

PILAIA bilong Canterbury Bankstown- Bulldogs, Rod Griffin, bai kamap kepten bi-long PNG LNG Kumuls long Pasifik Tes resis long Sarere egensim ol Kuk Ailan long Campbelltown Spot Stediam long Australia. Griffin bilong Wabag, Enga i bin stat pilai wantaim ol Kumuls long 2007 egen-sim ol Wales. Dispela em i namba 11 taim bilong em long pilai wantaim ol Kumul, tasol bai i namba wan taim bilong em long pilai olsem kepten.

“Mi tok tenkyu long kosa, Michael Marum, long givim mi sans long kamap kepten bilong ol Kumul long dispela traim resis. “Em i bikipela samting long mi bai go pas long ol boi long Sarere,” Griffin i tok. Griffin i joinim ol Bulldogs long dispela yia bihain long em i bin pilai tupela sisen wantaim ol Wests Tigers. Lo bilong Kwinslan Ragbi Lig (QRL) i laikim Willie Minoga long malolo liklik inap long tu-pela gem bihain long em i bin kisim wanpela strongpela takel. Em bai no inap pilai long Pasifik Tes resis. Israel Eliab bai kisim ples bilong Minoga na i joinim ol Kumul. Wankain tasol, ol i bin rausim winga bilong St George Illawarra, Nene

Macdonald long Mande bikos em i bin kisim bagarap long join bilong em taim ol Dragons i bin pilai egensim ol Melbourne Storm. Stargroth Amean i bin mekim wanpela asua long las wik Sarere taim ol SP Hunters i bin pilai egensim ol Northern Pride. Tasol, lo bilong QRL i lukluk long dis-pela na i tok orait long em i ken pilai na em bai pilai ful-bek long Sarere nait. David Mead bai no inap pilai tu bikos em i kisim bagarap.

Pasifik Tes resis bai stat long 3.15 apinun. Ol 18 man skwat bilong PNG Kumuls em;

- 1 Stargroth Amean (Hunters)
- 2 Justin Olam (Melbourne Storm)
- 3 Nene McDonald (St George-Illawarra) bai no inap pilai bikos em I kisim bagarap.
- 4 Thompson Teteh (Redcliffe Dolphins)
- 5 Alex Wera (Hunters)
- 6 Ase Boas (Hunters)
- 7 Watson Boas (Hunters)
- 8 Henry Wan (Hunters)
- 9 Wartovo Pura (Hunters)
- 10 Luke Page



Pilaia bilong Canterbury Bankstown- Bulldogs, Rod Griffin, bai kamap kepten bi-long PNG LNG Kumuls long Pasifik Tes resis

- (Burleigh Bears)
- 11 Rhys Martin (Canterbury Bulldogs)
- 12 Rod Griffin (Canterbury Bulldogs)
- 13 Stanton Albert (Hunters)
- Intasenis:
- 14 Tommy Butterfield (Easts Tigers)
- 15 Wellington Albert (Hunters)
- 16 Israel Eliab (London Broncos)
- 17 Nixon Put (Hunters)
- 18 Richard Pandia (Ipswich Jets)

Wigmen, Tigers, Mioks, Lahanis i win long namba wan raun

RAUN namba wan bilong 2017 Digicel Kap i lukim Kro-ton Hela Wigmen, Lae Snax Tigers, EPG Enga Mioks na Bintangor Goroka Lahanis i win long las wiken.

Hela Wigmen i daunim ol PRK Mendi Muruks, 20-12, long Nesenel Futbol Stediam long Pot Mosbi. Premia Lae Snax Tigers i daunim ol Rabaul Gurias,

40-0, long Lae. Mioks i daunim ol NCDC Vipers, 16-10, long Wabag na Goroka Lahanis i daunim ol Waghi Tumbe, 35-16, long Goroka.



Ol pilaia bilong Hela Wigmen i bung na takelim pilaia bilong ol Mendi Muruks.



1



2



3



4



6



5

1 Pilaia bilong Mendi Mu-ruks i ranwe long takol bilong Hela Wigmen long opening bilong Digicel Kap resis long Pot Mosbi. Wigmen i winim pilai 20-12.

2 Ase Boas i ran wantaim bal long skoim trai bilong em taim Minoga i ran long sapotim em taim Hunters i bungim Pride long Mosbi. Hunters i winim pilai 26-10.

3 Ol wokman bilong Oil Search wantaim bosman bilong ol na tupela bosman bilong PNGRFL i wokabaut wantaim Wol Kap Tropi na soim ol pablik manmeri na pikinini long Nesenel Futbol Stadium. PNG Kumuls bai pilai long wol kap long traime winim dispela tropi.

Ol poto: Nicky Bernard

4 Tupela bikpela sponso bilong PNG Kumul em PNG LNG na NGCB, mausman bilong PNG LNG Waine Kasou na CEO bilong National Gaming Control Board Imelda Agon i sanap wantaim ol bikman bilong PNGRFL taim ol tokaut long tim Kumul long go salens wantaim Cock Island.

5 Pilaia bilong Sauts i traime long lusim takol bilong Tarangau long pilai bilong ol long Pot Mosbi Ragbi lig resis. Tarangau i win.

6 Tim Brian Kombe, Black Swans Royal i redi long kisim pilai graun. Royal na Hohola Flais i topim lata bilong Pot Mosbi ragbi lig. Tupela tim i dro tu long wiken.

7 Digicel Kap lons long las wik.



7



SPOT'S

Lukim websait
bilang mipela

www.wantokniuspepa.com

Namba 2224

Me 4 - 10, 2017

WHITE TUNA FLAVOUR
DIANA White



Manufactured by:
RD Tuna Canners Ltd.

WHITE TUNA
insait
K 2.20



Tasty and Flavourful White Tuna for Everyone!



Griffin bai kepten bilang PNG LNG Kumuls

ritim stori long pes 26

Tim PNG LNG Kumul i redi long pilai egensim ol Kuk Ailan long 2017 Pasifik Tes resis long Sarere.



ISUZU N-SERIES

the Perfect Business Partner.

**BOROKO
MOTORS**

Port Moresby 325 5255 Lae 472 1144 Madang 422 2659 Mt Hagen 542 1933 Goroka 532 3552 Kimbe 983 5035 Kokopo 982 8193 Tabubil 649 9048

Email: info@borokomotors.com.pg | Web: www.borokomotors.com.pg

